

2022

RIPOTI FAALE-TAUSAGA

LOMIGA 17



SAMOA
SIFA

International
Finance
Authority

Please address all correspondence to:
The Minister of Finance
Private Bag
Apia, Samoa



Email: Mulipola.Molioo@mof.gov.ws
Telephone: (685) 34-333/34385
Facsimile: (685) 21-312/20293

Government of Samoa


OFFICE OF THE MINISTER OF FINANCE

1 Novema 2022

Afioga i le Fofoga Fetalai
Fono Aoaofaitulafono a Samoa

E tusa ai ma le fuaiupu 20(5) o le *Tulafono o le Pulega o Tupe Faava o Malo a Samoa 2005*, ou te tuuina atu ai ma le agaga faaaloalo le Lipoti a le Pulega o Tupe Faava o Malo a Samoa i ana galuega faatino mo le sefulu ma le lua masina na faaiuina i le aso 30 Iuni 2022, faatasi ai ma faamatalaga tau tupe ua mae'a ona su'eina faasu'etusi mo lena vaitaimi ma le Lipoti a le Su'etusi i ana faamatalaga tau tupe.

O le Lipoti Faaletausaga a le SIFA ma faaiuga ile faatautaia o galuega faatino sa i lalo o le faamalumaluga a le Minisita o Tupe ma lana Pulega talu ai.



Mulipola Anarosa Ale Molio'o
MINISITA O TUPE



International
Finance
Authority

Please address correspondence to
THE CHIEF EXECUTIVE OFFICER

31 Oketopa 2022

Afioga Mulipola Anarosa Ale Molio'o
Minisita o Tupe
Matagaluega o Tupe
APIA

Lau Afioga i le Minisita,

E ia te a'u le ava tele e tuuina atu ai le Lipoti Faaletausaga a le Pulega o Tupe Faava o Malo a Samoa, e pei ona aiaia i le *Tulafono o le Pulega o Tupe Faava o Malo a Samoa 2005*, mo le tausaga faaletupe 1 Iulai 2021 i le aso 30 Iuni 2022.

Ua aofia i le Lipoti:-

- (a) se lipoti o galuega a le Pulega, a o faagasolo le sefululua (12) masina, se'ia faamutaina i le aso 30 Iuni 2022; ma
- (e) le faamatalaga tau tupe a le Pulega mo le sefululua (12) masina na faaiuina ia Iuni 2022, ua mae'a ona su'eina faasu'etusi faatasi ai ma le Lipoti a le Su'etusi.

Ma lo'u faaaloalo lava,

A handwritten signature in blue ink, appearing to read "Sieni Tualega-Voorwinden".

Tuifaasisina Sieni Tualega-Voorwinden
PULE SILI O LE PULEGA O TUPE FAAVA O MALO A SAMOA

FAASOLOGA O MATAUPU

04	Saunoaga a le Taitaifono
06	Saunoaga a le Pule Sili o le SIFA
08	O le Puleaina ma Galuega Tauave a le SIFA
10	Faatulagaga o le SIFA
13	Tulafono e Faatonutonu ai Galuega a le SIFA
14	Galuega a le SIFA
24	Atina'e
25	Taunuuga o Galuega Tau Tupe a le SIFA
26	Faamatalaga Tau Tupe

SAUNOAGA A LE TAITAIFONO

I le agaga fiafia e fai ai au ma sui o le Komiti o Faatonu e tuuina atu le Lipoti Faale Tausaga a le Pulega o Tupe Faava o Malo a Samoa (SIFA) mo le Tausaga Faaletupe 2021/2022. A faatusatusa le tausaga lenei i le tausaga talu ai, o se tausaga o lo o fasolosolo ina toe lelei, ma ua mafai ona faaauau pea galuega i fetuunaiga talafeagai, ma o se tausaga e tele ia lu'itau e pei ona feagai ai foi si o tatou atunuu o Samoa.

Sa seu le i'a ae taga'i lava i le galu – i a tatou matafai oi faaletulafono ma fuafuaga faapisinisi ina ia ausia a tatou manulauti faaletulafono e ui i le tele o lu'itau. Ona o le malosi mai o iloiloga Faava o Malo, e telē se faatino ia tatou tulafono faatonutonu ina ia faataua ai ia suiga talafeai ia tatou tulafono ina ia mafai ona tatou tausisia fuapau Faava o Malo. O lo o galulue fesoota' i lava le tatou Ofisa ma isi vaega o le tatou Malo faapea ia latou o lo o umia ia laisene mo le aumaia o pisinisi i Samoa ina ia taufai malamalama i mea o lo o tutupu i le taimi nei ma ia aumai o latou manatu ma lagona e fau ai ia suiga o lo o fuafua ina ia mautinoa ai le paleni o tulafono e faatonutonu ai galuega ma le atina'eina o pisinisi.

E ia te a'u le manatu maualuga sa lelei ona tali atu le SIFA a'o i ai Samoa i vavao o le Koviti ia Ianuari ma Fepuari ma sa mafai ona faatino fonotaga faalemasina a le Komiti a Faatonu e fa'aaogaina ai auala o fesootaiga i nei ona pō (Zoom) ma tausisia ai faiga faavae e ao ona fono i masina taitasi. E maitauina foi ma le fiafia le mafai ai e le Pule Sili ma le afaigaluega ona faaauau auaunaga masani e aunoa ma le motusia e tuuina atu ia tatou paaga mai le vavao muamua ia Ianuari lea foi na faauau ia Fepuari ma oo atu ia Me. I le faigaluega mai ai le tumau i totonu o aiga e faaaogaina ai ia auala faatekonolosi, e ono avea ai ma auala e lamatia ma aafia ai a tatou fessotaiga faakomepiuta i faiga faasolitulafono a e solitulafono, i lea tulaga sa faatino ai i se taimi muamua se suesuega faapitoa mo le Malupuipua o le Polokalame Faatekonolosi e mafai ai ona iloa tonu ni faafitauli e aafia ai pisinisi a le SIFA. O lo o tālia nei lea lipoti aua le faaleleia atili o a tatou fuafuaga faatekonolosi.

O lo'o ave lava le tatou faamumua i le aveeseina o Samoa mai le lisi uliuli a le Luni a Europa (EU) mo atunuu e le tausisia aiaiga i tulaga tau lafoga. E le o faigofie ma sologa lelei le taumafaiga o lea galuega ona o lu'itau o lo o faafeagai i totonu o le tatou lotoifale faapea ia le va i fafo, ma le naunautai i le taufaasoasoina o le utitui o tamaoaiga a tatou paaga o lo o feagai ma le faatinoina o lenei galuega.. O lo o faalautele foi le tatou vaai i le mataupu lenei ma taumafai ia auai mai ia le Pasefika atoa ona e 4 atunuu o le Pasefika (Samoa, Fiti, Vanuatu ma Amerika Samoa) o lo o i le lisi uliuli. Ua amata ia fetusiaiga ma le Luni a Europa ina ia faaauau ona faatalatalanoa ni auala talafeagai ia mautinoa le aveesea o Samoa mai le lisi uliuli ma ia mafai ona faasoina le tatou auaunaga Faava o Malo lea ua fai ma sao tele i le tala o le tupe a le Malo faapea isi vaega o le atunuu ma faalapotopotoga. O lo o faaauau pea ia galuega ona o le tatou naunautai o le aveeseina o Samoa mai lea lisi i se taimi vave.

O lo o maitauina le paū o tupe maua e afua mai i le faaauau ole faaititia o kamupani fou i le tausaga faapea le faaititia o kamupani o lo o toe faafou ia resitala, ma o se tulaga o lo o tupu i atunuu uma o lo o iai ia nei ituagia auaunaga. E talitonu o lenei vaaiga le lelei e faaauau pea ma e faateteleina ona o le paū o le tamaoaiga o le lalolagi e mafua i le faama'i o le Koviti 19, ae le gata i lea o tulaga faapolokiki faavaomalo e pei o le tāua i le va o Lusitania ma Ukraine, peitai ane sa vaaia i masina mulimuli o le tausaga 2021 ma masina amataga o le tausaga 2022 le siitia ai o kamupani fou. E ui i lea, o fuafuaga lelei a le Komiti o Faatonu ma le Pulega a le SIFA o tupe maua ma le auililiina lelei o tupe faaalu ua faaititia ai aafiaga tetele mai le faama'i faapea le malosi ai o le faaogaina o fua faatatau Faava o Malo i le faatinoina o pisinisi.

O le taunuuga o galuega faatino a le SIFA i le tausaga faaletupe o lo o lipotiina, o le faamauina lea o se tupe mama e tusa ma le SAT17,777,873.00. O lo o faaaauu pea le lagolago a le SIFA i le tuuina atu o lona sao i le Tala Faaletupe a le Malo e ala lea i le pasiaina e le Fono o Faatonu o le tuuina o le SAT21,807,795.00 e totogiina mai lea i le Faaputuga Tupe Lautele a le Pulega e tuuina atu i le Malo mo le tausaga faaletupe faaiuina i le aso 30 Iuni 2022. O lea aofaiga e aofia ai le SAT15,000,000.00 o le sao i le Tala Faale Tupe a le Malo ma le SAT6,807,795.00 o tupe totogi i luga o tupe mama e totogi atu i le Matagaluega o Faalapotopotoga Tumaoti a le Malo (MPE).

I le loto i fale, o lo'o faaaauu pea galuega fesoasoani a le SIFA mo le lagolagoina ma le faatupeina o asosi ma faalapotopotoga tau taaloga (lakapi, netipolo ma isi...). O lo o mafai foi ona fesoasoani i isi vaega o le atunuu e aofia ai poloketi mo fanau talavou, faalapotopotoga e atia'e ai le faatuatua, tausaiaina o matua tausai, ma i latou ua maaleale i aafiaga o le olaga.

E ui lava i le tele o lu'itau e ala mai i suiga o taiala Faava o Malo, le faaaauu o le fesuisui ai o tulafono faatonutonu o le lipotiina o faamatalaga tau lafoga, o le faamamafa mai o manaoga o i latou o lo o nafa ma taiala Faava o Malo faapea ia tauvaga faapisinisi ma isi atunuu, ae ua mafai lava e le SIFA ona faatino galuega i se tulaga lelei ona o le lagolago tele a le tatou Malo, faapea le galulue malosi ai o Faatonu, Pulega ma le afaigaluega

E faaiu se faamatalaga i le toe faamauina o se faafetai tele i le sui o le Komiti a Faatonu, le Pulega ma le afaigaluega mo galuega lelei uma ua mafai ona faatino i lenei tausaga. Tatou te toe vaavaai i luitau sa tutupu ma galuega sa faatino i lenei tausaga o ni avanoa e atia'e ai ma toe famautuina ai ia faamoemoega lelei o si o tatou atunuu. E toe faamalo atu i le Komiti a Faatonu, le Pulega ma le Afaigaluega mo galuega mae'ae'a uma.



Taimalie Ernest Betham

TAITAFONO O LE FONO A FAATONU

SAUNOAGA A LE PULE SILI



I le ava e tautau ai, ou te fia faailo le Lipoti Faaletausaga a le Pulega o Tupe Faava-o-Malo a Samoa (SIFA) mo le tausaga faaletupe 2021/2022 ia ma faailoa matati'a ua mafai ona ausia ma lu'itau na feagai ma le Ofisa a o faagasolo lenei tausaga. E ui o le faamoemoe ia faamalosiiina le faiga o lo o vaavaai ma faatulafono ai galuega faatino aemaise le aveeseina o Samoa mai le lisiuliuli a le Luni a Europa (EU) o atunuu e le ogatasi a latou faiga faalafoga ma i latou. Ua alaga tatau foi i le Ofisa ona faia ia ni suiga fou e mafai ai ona resitara i auala faaneionapo ia kamupani ma faafou ia auala uma o lo o iai faapea ia le faalauiloaina o le faailoga fou a le SIFA, e atagia ai le sologa o galuega talu mai le 34 tausaga ua

tuana'i. O le faailoga fou ua faailoa ai suiga, le alulau i luma o galuega, tamaoaiga ma le faamoemoe o lo o tulimataia e le Ofisa i le lumana'i.

O lo o vaavaaia, faatonutonu faaetulafono ma iloilo e le SIFA ia le faafoeina o Kamupani Laiseneina mo Auaunaga Tau Mavaega ma Auaunaga Tautupe Faava o Malo o lo o i totonu o Samoa. O se galuega tauave e faaopopo i le faafoeina o le Resitala mo pisinisi uma Faava o Malo faatasi ai ma pisinisi e laiseneina, fautua i le Malo i mataupu mo auaunaga tau tupe, ma fesoasoani i isi Ofisa o lo o i Samoa ma atunuu i fafo ina ia taofia, faailoa ma molia i le tulafono faiga faasoligatulafono tau tupe

O lo o tatou galulue malosi pea ina ia faamautinoa le tulaga lelei ua iai ia Samoa i ana auaunaga ma ia le ta'ulaegaina pe a pa'u le puipuiga, faailoa, tetee atu, faapea le talafeagai i le tali atu i itu ogaoga. Ona o ia tulaga, ua faaagaga ai se vaega tele o meafaigaluega mo faiga faapaaga ma le Malo ma pisinisi tumaoti, ma isi faalapotopotoga. O nei faiga faapaaaga ua aoga tele i le taumafai ai e faaaau le auaunaga a o iai I vavao o le Koviti 19. O le sao foi o le aufaigaluega faapea ia le faaleleina o polokalame faatekonolosi i tausaga ua te'a ua mafai ona faaaau le faatinoina o galuega tauave faaetulafono ina ia tali atu i manaoga a o galulue mai ai i aiga.

O le faigaluega mai i aiga i taimi o le vavao ua ofi mai ai ma lu'itau ma faafitauli i a tatou auala faatekonolosi ma masini faakomepiuta ona e mafai ai e isi tagata ona osofaia ia tatou faamaumauga. O lea popolega, ua faamaite ai e le Pulega se iloilo o le aafia ai o a tatou komepiuta, ia ma suesue auala o lo o faaogaina e komepiuta i le taumafai ai ina ia iloa ia vaivaiga o iai ma faia ia ni auala e fofo ai ia faafitauli ma vaivaiga ia. O se taimi lelei foi e vaavaai ai i le faiga o galuega o lo o iai ma faamau i lalo ia auala o lo o faamoemoe a i lima ina ia mafai ona faaoga auala faakomepiuta ma faafaigofie i ise faiga lelei. O lenei galuega e faaaau pea ma e iloilo i tausaga taitasi.

E ui i luitau mai fafo, o lo'o faagasolo galuega i le suiga o tulafono, tali atu ai i fesili mai faalapotopotoga i lenei itu lagi faapea le faava o malo, tuuina atu o faamaumauga, iloilo ia laisene e tusa ai ma lamatiaga, toe amata ia suesuega faale tulafono, ia ma faailoa i kamupani tausii mavaega ia suiga ma avanoa o lo o iai i nei vaiata. O lo o faaaau foi ona galulue faatasi ma kamupani tausii mavaega ina ia tausisia ia tulafono ma manaoga Faava o Malo ma e ala lea i asiasiga e 3 sa faatino mo kamupani tausii mavaega i le tausaga faaletupe 2021/2022 faapea le iloiloaina o faamatalaga o lo o tuuina mai i le Ofisa. Matou te faasilisili le manatu o le tausisia o tulafono ma finafinau mo le lelei e o faatasi. Ona o lea, ia faatumauina le tatou tulaga lelei o lo o iai e manuia ai ia tatou auaunaga.

O lo o tauave lelei lava e le SIFA ana matafaioi faaletulafono ma faatumauiina le tulaga o lo o lauiloa ai Samoa i le lelei ona faatulafonoina ana auaunaga. O lo o tatou vaavaai toto'a lava i gasologa o atina'e Faava o Malo ma auai i fonotaga faaitu lagi ma vaega Faava o Malo ma faalapotopotoga o lo o fausia taiala. O lo o tatou matua'i faatauaina ia tatou tagata faigaluega i le siitia o lo latou malamalama e ala i le auai i fonotaga Faava o Malo ma isi aoaoga faapitoa. O le tapu ai o femalagaina, e le o tuua ai le faaauau ona tatou auai i aoaoga ma semina e faaoga ai fesootaiga faaneionapo. Sa mafai ona auai le tatou afaigaluega i aoaoga ma seminā sa faatautaia e le Financial Action Task Force (FATF) i a'i latou e ona tonu ia pisinisi, ma iloa i latou o lo o faipisinisi iai; o le Faalapotopotoga a Asia ma le Pasefika (APG) mo le Taofiaina o le Faaofiina mai o Tupe mai Auala Faasolitulafono ma le Taofia o le Faatupeina o Faiga Faatupu Faalavelave (AML/CFT); Faalapotopotoga e Vaavaaia le Tulaga tau Auaunaga tau Tupe Faava-o-Malo (GIFCS); Faalapotopotoga e Vaavaaia Tulaga Tau Inisiua Faava o Malo (GIICS). Asosi Faava o Malo a Supavaisa a Inisiua (IAIS), Faalapotopotoga Faava o Malo o Komesina o Sekuiti (IOSCO), Faalapotopotoga o Galuega Felagolagomai Tau le Tamaoaiga ma Atinae mo le Faamaninoina ma le Fetufaiga o Faamaumauga mo Lafoga (OECD);

O lo o tatou faamuamua pea i leni tausaga le faamamafa i le aveesina o Samoa mai le Lisi uliuli a le Luni a Europa o atunuu e le lagolagoina a latou faiga faalafoga. Ua tele le galuega ua mafai ona fai, ma ua iloa ai foi le anoanoa'i o galuega e tataua ona fai e Samoa e mafai ai ona alu ese mai le lisi uliuli ma tausisia ai manaoga a le Luni a Europa ia aemaise ai le mafai ona fa'auau pea leni auaunaga ua taua ma tele lona sao ia Samoa ma lona tamaoaiga.

O le faapaleniina o tulafono ma le ofoina atu o auala fou ma talafeagai mo manaoga o i latou o lo o faaaogaina ia tatou auaunaga e pei ona faaaogaina ai ia auala faamaketi faaneionapo lea na mafai ai i se taimi muamua ona faia se semina e faatatau i Oa Faavae e fesoasoani i le faatumauiina ai o le tatou finau i nei ituaiga pisinisi. O nei auala ua faaopopo i fonotaga ma a tatou paaga i Samoa nei faapea ia latou o lo o i Hong Kong, Singapore ma Taiwan e faamautinoa ai le taua o latou pisinisi ma manatu i le aga'i i luma o la tatou auaunaga. Ua tatou faia lava ma le mautinoa ia fesootaiga faa le kuata ma tatou paaga i Samoa nei, ina ia silafia vaega o lo o aga'i iai suiga o pisinisi Faava o Malo ma fefaasooa'i i suiga uma ua iai.

O mea sa tutupu i le 2021 e faatupu manatu mo suiga fou e faalelei ai ia tatou auaunaga e ui i faigata o le tulaga o lo o faatino ai a tatou galuega faapea le tulaga tau i le afaigaluega i le galulue ai i taimi uma. Mo le tausaga o i luma, ua faamoemoe e toe iloilo auala o lo o faatino ai galuega ina ia unaiia le faaogaina o auala faatekonolosi e fai ai ia pepa aloaia ma isi pepa o faamatalaga. O lo o faaauau foi a tatou taumafaiga e fuaina ai le faamalieina o a tatou paaga ao faagasolo le faaleleia o le tatou auaunaga ma faatumauiina le lelei atoatoa o le resitala.

I le ogatotonu o suiga i faiga faatulafono ma le le mautu o maketi ona o fesuiaga o faiga-Malo, faapea le Koviti 19, ae sa lelei lava le faatinoina o galuega a le SIFA, e pei ona atagia i tupe mama e SAT\$17.7 miliona mo leni tausaga faaletupe. E ui ina faaititia kamupani fou, sa mafai ona taofiofi lea faaitiitiaga, ma tuu mamaina ai ia le paū ona o le numera o kamupani toe faafou e silia ma le 90%. Mai i nei taumafaiga ua mafai ai ona faaauau le tatou sao i le tala o le tupe a le Malo faapea ia fesoasoani tau tupe mo le lagolagoina o le tatou au Manu Samoa 7 ma le Manu Samoa 15 faapea ia isi taaloga. E le o faagaloina foi a tatou faalapotopotoga i le lotoifale e ala i fesoasoani tau seleni mo vaega e pei o faalapotopotoga faakerisiano, o polokalame a autalavou, o polokalame faasoifua maloloina ma isi.

O le mea lea tatou te faamanūina ai pea le Atua i ana faamanuiaga ma le tulaga lelei ua iai le SIFA i le 12 masina ua tuana'i, ma ia tatou faafetaia ma faaneeneina pea o la ma ia susulu mai pea ona fofoga alofa i luga ia i tatou.



Tuifaasisina Sieni Tualega-Voorwinden

PULE SILI

1. O le Puleaina ma Galuega Tauave a le SIFA

O le Pulega o Tupe Faava o Malo a Samoa (SIFA) o lo o puleaina e le Pule Sili (CEO) na tofia e le Kapeneta i luga o le fautuaga a le Minisita. O lo o tauaveina e le SIFA ia matafaioi faaletulafono e vaavaaia ia auaunaga tau tupe ma pisinisi faava o Malo i lalo o lana pulega e tusa ma alafua faava o Malo ua folasia mo teugatupe, inisia ma kamupani laiseneina mo auaunaga tau mavaega ma auaunaga tau tupe faava o Malo.


O le SIFA o lo o faatonutonuina e le Fono a Faatonu, o lo o aofia ai Sui e 2 o le Malo (O Pule Sili o le Matagaluega o Tupe ma le SIFA), faapea ia Sui e 4 mai pisinisi tumaoti. O Sui mai pisinisi tumaoti e tataua ona i ai so latou malamalama talafeagai, poto masani ma se agavaa faapitoa e fesoasoani ai i le faatinoga o galuega. O le Taitaifono e filifilia mai i Sui e 4 mai pisinisi tumaoti.

O galuega tauave a le SIFA e tele i galuega tauletulafono ma galuega e mataituina ai pisinisi o lo o resitala ma e sini autu i le puipuiga ma le faatumauina o le ta'uleleia o le igoa o le tatou Nofoga Tutotonu mo pisinisi tautupe Faava o Malo, ia ma faalauiloa ia auaunaga eseese ma saili ia nisi auala e fia o mai ai tagata i Samoa ona o le tatou Nofoga Tutotonu.

O nisi galuega tauave nei a le SIFA, e tusa ai ma le fuaiupu 4 o le *Tulafono o le Pulega o Tupe Faava o Malo a Samoa 2005*:

- ⇒ la mataitu ma vaavaaia le faatinoga o auaunaga tau tupe faava o Malo o lo o tuuina atu i totonu o Samoa;
- ⇒ la puipui ma tausisia le ta'uleleia o le igoa o Samoa e avea ai ma nofoaga tutotonu mo auaunaga tau tupe faava o Malo;
- ⇒ la faamautinoa le galulue faatasi o Ofisa a le Malo, o Faalapotopotoga Tumaoti, ma Faalapotopotoga e le o ni Faalapotopotoga a le Malo o lo o fesootai i auaunaga tau tupe faava o Malo;
- ⇒ la faalauiloa Samoa e avea ma nofoaga tutotonu mo auaunaga tau tupe faava o Malo;
- ⇒ la faia fautuaga mo le faaofiina o tulafono fou, teuteuga po o le sui o tulafono e faasino i auaunaga tau tupe faava o Malo, kamupani ma isi lava ituaiga o pisinisi;
- ⇒ la faatino su'esu'ega ma faia saili'iliga i vaega o pisinisi faava o Malo ma auaunaga e fesootai i ai;
- ⇒ la nafa ma le faatonutonuina o tulafono o auaunaga tau tupe faava o Malo ma le aoina o totogifuapau uma, o tau faaee atu, ma isi tupe maua ua tataua ona totogiina i lalo o ia tulafono;
- ⇒ la faailoa ma fautua le Malo i so o se mataupu e faasino i auaunaga tau tupe faava o Malo; ma
- ⇒ Faatino isi lava galuega tauave e faasino i auaunaga tau tupe faava o Malo e pei ona faia e se Poloaiga mai le Ao o le Malo.

O le Ata leni ua fa'aalia ai le faatulagaga o le Pulega o Tupe Faava o Malo a Samoa (SIFA):



2. Faatulagaga o le SIFA

2.1 Fono a Faatonu

O le Vasega o le Komiti Faatonu a le Matagaluega ole SIFA ua gafa ma le iloiloina o taiala ma mataupu lautele ole Ofisa ma tuuina atu ile Kapeneta e tauala atu ile Minisita o Tupe. O le faailoina o tulaga ma matafaioi a le Vasega o Komiti Faatonu ale SIFA o loo faamatalaina ma auiliiliina atu i lalo ole Tulafono, Vaega 6 ole *Tulafono o le Pulega o Tupe Faava o Malo a Samoa 2005*.

Sui o le Komiti Faatonu a le SIFA:

Taimalie Ernest Betham (Ta'ita'ifono)
Taima'aiono Agnes Falelua Kerlake
Tufuga Fagaloa Tufuga
Galumalemana Patrick Rasmussen
Saoleitiiti Maeva Betham Vaai

2.2 Pulega


O le Pulega ale SIFA o loo taitaiina ele Pule Sili o le Ofisa, tolu (3) Pule Lagolago ma Taitai ulu o Vaega e sefulu (10). O le Pulega ua gafa ma le vaaiga o galuega faatino a le Ofisa i aso taitasi.



Tutulai (A-T): Cheshire Malua – Pule Sili Lagolago Vaega e Mataituina le Tausisia o Tulafono, Tagaloa Koroseta Lesatele – Taitai Vaega mo le Aufaigaluega, Filimone Masei – Taitai Vaega o Loia, Aliimalemanu Kolisi Simamao – Taitai Vaega e Mataituina le Tausisia o Tulafono, Li'o Heinrich Siemens – Pule Sili Lagolago Vaega o Resitala, Desmond Chan Ting – Taitai Vaega o Tupe.

Alala (A-T): Watsonia Fereti – Taitai Vaega o Pisinisi ma Atina'e, Rimoni Jahnke – Taitai Vaega o Resitala, Tuifaasisina Sieni Voorwinden – Pule Sili, Tuala Mesepa Tapuitea Lafaialii-Petaia – Pule Sili Lagolago Vaega Pisinisi ma Atina'e, Moana Ah Poe – Taitai Vaega mo Auaunaga Fesoasoani, Victoria Lui – Taitai Vaega mo Auaunaga Faa-Tekonolosi, Taofinuu Kalala Mataia – Taitai Vaega o Resitala, Luaipou Iosefa – Taitai Vaega o Resitala.

2.3 Faatulagaga o le SIFA



2.4 Afaigaluega a le SIFA



3. Tulafono e Faatonutonu ai Galuega a le SIFA

O le Pulega o Tupe Faava o Malo a Samoa (SIFA) sa faavaeina e tusa ma le *Tulafono o le Pulega o Tupe Faava o Malo a Samoa 2005* ma o lo o faafoeina ia tulafono ua taua i lalo. O le faamoemoe o le SIFA ia tausisia ia alafua faava o Malo ma nofo malamalama i suiga o lo o tutupu i le lalolagi i pisinisi o lo o faia, ma ua talafeagai ai le iloilo i taimi uma o a tatou tulafono.

1. *Tulafono o Kamupani Faava o Malo 1988*
2. *Tulafono o Inisiua Faava o Malo 1988*
3. *Tulafono o Faiga Faapaaga Faava o Malo ma Faiga Faapaaga Faatapulaaina 1998*
4. *Tulafono o Kamupani o Faaputugatupe Tumaoti Faava o Malo 2000*
5. *Tulafono o le Pulega o Tupe Faava o Malo a Samoa 2005*
6. *Tulafono o Teuga Tupe Faava o Malo 2005*
7. *Tulafono o Faaputugatupe Soofaatasi Faava o Malo 2008*
8. *Tulafono o Fefaatauaiga Faatekonolosi 2008*
9. *Tulafono o Kamupani Faava o Malo mo se Faamoemoega Faapitoa 2012*
10. *Tulafono o Mavaega Tausi 2014*
11. *Tulafono o Oa - Faavae Resitalaina 2016*
12. *Tulafono mo Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2017*

4. Galuega a le SIFA


Ina ia mautinoa o lo o ogatasi a tatou galuega ma alafua faava o Malo faapea ia suiga i isi atunuu ua lauiloa i galuega tautupe faava o Malo, ua faaaau ai pea le avea o le SIFA ma sui auai i faalapotopotoga eseese faava o Malo e pei o le:

- ⇒ Fono a Resitara o Kamupani (CRF);
- ⇒ Faalapotopotoga e Vaavaaia Tulaga Tau Inisiua Faava o Malo (GIICS)
- ⇒ Asosi Faava o Malo mo le Fuafuaina o Lafoga (ITPA);
- ⇒ Faalapotopotoga e Vaavaaia Tulaga Tau Auaunaga Tau Tupe Faava o Malo (GIFCS);
- ⇒ Fono Faa-le-Kelope a le Faalapotopotoga o Galuega Felagolagoai Tau le Tamaoaiga ma Atina'e mo le Faamaninoina ma le Fetufaiga o Faamaumauga mo Lafoga (OECD-Global Forum).
- ⇒ Asosi Faava o Malo a Supavaisa o Inisiua (IAIS)

O Vaega eseese o le SIFA o lo o faatinoina ma le toto'a ia galuega tauave ina ia ofoina atu se auaunaga e lelei atoatoa i ana paaga faapisinisi.

4.1 Vaega o Resitala

E tolu (3) vaega ua vaevaeina iai le Vaega o Resitala, e pei ona faa-ata atu i lalo:



O le Vaega o Resitala e nafa ma le resitalaina ma faafoe talosaga tau resitala mo:

- kamupani faavaomalo,
- kamupani mo faaputugatupe tumaoti faavaomalo (SFC),
- faaputugatupe sofaatasi faavaomalo,
- kamupani faavaomalo mo se faamoemoega faapitoa,
- kamupani faipaaga faavaomalo (LP/ILP),
- oa faavae resitalaina

E le gata i lea, latou te teumaluina faamaumauga a kamupani ua resitala ma laiseneina ma faamausali le sa'o o faamaumauga o loo teuina e pei ona atagia i le Resitala.

O talosaga mo le resitalaina o se kamupani fou ma kamupani mai fafo e tuuina mai uma i le Resitala o Kamupani Faava-o-Malo tauala mai i Kamupani Tausi Mavaega ua laiseneina i le SIFA. E USD300.00 le totogi mo le resitalaina o se kamupani fou, ae USD100.00 e resitala ai kamupani mai fafo. O pepa moomia mo le resitalaina o se kamupani fou e aofia ai, le Faavae mo le faafoeina o le kamupani, ma le pepa e faailoa mai ai le ofisa o le kamupani i Samoa nei. Mo kamupani mai fafo e fia resitalaina mai i Samoa nei, e tele nisi pepa moomia e faaopopo i le Faavae ma le Pepa e faailoa mai ai le ofisa o le kamupani i totonu o Samoa. E faigofie lava le resitalaina o se kamupani ma e le sili atu ma le 24 itula e faagai ai le resitalaina. O le resitalaina o isi ituaiga pisinisi faava-o-malo o lo o aiaia lava i lalo o tulafono eseese e talosaga mai ai, ma e ese foi fua faatatau o tupe totogi, e pei ona atagia i luga o upega tafailagi a le SIFA ma le Samoa IBFC.

E ese mai la i le resitalaina o se kamupani fou ma kamupani mai fafo, e faatinoina uma foi e le Vaega o Resitala auauanaga eseese e patino lava i le faafoeina o se kamupani, e pei o le tuuina atu o le faamaoniga o le tulaga Lelei o se kamupani, suiga o se igoa, kamupani ua talosaga mai e fia tapunia, faafouina o le resitala, fegaoioiaiga o sea a kamupani, ma isi mea faapena.


O Ianuari ma Fepuari o masina ia e maitauina pea le maualuga ai o kamupani fou e resitala mai, ae o Novema ma Tesema o masina pisi ia o le tausaga ona o le vaitaimi lea e toe faafouina uma ai resitala o kamupani o lo o i luga o le Resitala.

Faamaumauga:

	FY 2021-2022
Kamupani Fou	1,797
Kamupani o lo o i luga o le Resitala	30,320
Aofaiga o kamupani resitala	89,351

O le aofaiga o kamupani fou faamauina mo lenei tausaga faaletupe e 1,797. E oo mai le aso 30 o Luni 2022, e 30,320 kamupani o lo o i luga o le Resitala. Aofaiga atoa o kamupani ua resitalaina talu ona faatuina le SIFA e 89,351.

Fuafuaga ua faataunuaina:



Faafouina o le Resitala:

A o agai atu le vaega Resitala i le faataunuaina o resitala faainitaneti, sa galulue faatasi ai ma le vaega o IT ina ia faataunuaina lenei faamoemoega. E fiafia e faailoa atu le maea ai lea o se tasi o vaega o lenei poloketi, o le tuusa’oina mai lea o talosaga mo le faafouina o kamupani i le initaneti. O lona uiga o le faafouina o resitala o kamupani sa faatinoina i se taimi umi, ma tele se pepa alu ai ua mafai nei ona faatinoina uma i le initaneti. O lea ua mafai nei e Kamupani Tausi Mavaega uma ona faaogaina mai le SIFA Registration System (SRS) e talosaga sa’o mai ai le kamupani mo le fia faafouina o lana resitala, ae le toe tau tusi mai

ma kiliva mai lisi ma talosaga tusitusia i le SIFA e pei ona masani ai. O le afaigaluega a le Vaega o Resitala, latou te faatinoina le faafouina o le resitala o le kamupani i luga o le SRS ma ua iai se tusi faamaonia ua maea faia faa-otometi e faailoa ai kamupani taitasi ua maea faafouina le resitala.

Suesuega o le Faamalieina o Paaga:

Matou te fiafia foi e lipoti atu le tulaga maualuga o le faamalieina o a matou paaga faipisinisi i a matou auauanaga e tauala mai lea i le matou suesuega o fesili ma tali sa faaogaina ai foi faiga faainitaneti faaneionapo. O lenei suesuega e faia i tausaga taitasi e siaki ai po o lelei ma maualuga le tulaga o a matou auauanaga ofoina atu ma o le tasi foi lenei auala e matou te mauaina ai ni fautuaga aua le faaleleia atili o a matou auauanaga.

Faaauuina o le Auaunaga i Taimi o Faalavelave Tutupu Faafuasei:



Ina ua faia a tatou vavao o le Koviti ia Ianuari ma Mati o le tausaga faaletupe lenei, sa galulue felagolagomai le Vaega o Resitala ma isi vaega o le Ofisa e faaoga lenei avanoa e faatino ai la tatou Fuafuaga faataatitia mo le faaauuina o le auaunaga i taimi o faalavelave tutupu faafuasei. O lea itu, sa maitauina ai le gasolo lelei pea o le faatinoina o auaunaga a le Vaega o Resitala e aunoa ma ni atugaluga matuia ma o se fuafuaga sa matua talia lelei ma le agaga faafetai e a matou paaga faipisinisi e pei ona

atagia i la matou suesuega sa faia ma ua ripoti atu i luga.

Fonotaga Faavaomalo:

A o faaauau pea ona toe faatulaga le lalolagi i faiga fou o le faaogaina o upega tafailagi ma le initaneti mo le faaauuina o auaunaga, o fono sa masani ona usuia faafesagai ua latou faaogaina foi nei mau auala eseese faaneionapo e usuia ai nei fonotaga taua. Ona o lea, sa maua ai foi e le Vaega o Resitala le avanoa e auai ai ma faalogologo pea i nei fonotaga. O le faataitaiga, o le fonotele a le Vaega o Resitala Faavaomalo sa tele na usuia ana fonotaga faapea aoga faaogaina ai le initaneti. O le faaogaina ai o nei auala mo fonotaga o se tulaga lelei tele lea mo tatou aua ua mafai ona auai uma le afaigaluega e faalogologo ma aoga ina mai ai pe a fua i le malaga atu o le tagata e toatasi pe taitoalua foi i isi atunuu sa masani ona faia ai nei fono. O se suiga foi lenei sa talisapaia e le afaigaluega aua le siitia ai o lo latou malamalamaaga i le galuega.

Luitau:

O le saputu ma le faamalosiā mai pea o taiala faavaomalo o lo o faaauau pea ona avea ma luitau i a tatou pisinisi. Peitai, e ui i lea itu, o lo o vaaia le toe agai malie i luga o a tatou pisinisi fou i lenei tausaga faaletupe pe a faatusatusa i tausaga faaletupe e lua ua tuanai atu.

O le siitia o le maualuga o moomiaga ma manaoga a tatou paaga faipisinisi o lo o faaogaina la tatou auaunaga, o se tasi lea luitau i le Vaega o Resitala ina ia sii sii pea i luga ma tausili i le ofoina atu o le auaunaga pito i sili ona lelei.

Resitala Faatekonolosi

O loo faaauau ona atina a'e ma faamalosiā atili e le SIFA ana Faiga Resitala faatasi ma le faaopopoina lea o nisi o faiga poo foliga fou e aveesea ai nisi faiga tusilima ao mautinoa o lea faamatalaga o loo tumau ma saogalemu. Pea.

O se tasi o nei foliga fou ole mae'a lea ole faatinoina ole galuega mo le faafouina. Sa tele ni aso faalegaluega i le tuanai, ao le taimi nei ua faitau minute lona faatinoga. Ua mafai nei e Kamupani Tausi Mavaega ona tuuina mai vaega o kamupani faafou i le faila ole excel mo le faagaioina. O le Auaunaga faa resitala faatekonolosi ua mafai ona faafouina le aofai o kamupani e selau i le minute ma faagaioi le aofaiga o vaega e oo atu i le lima selau o kamupani taitasi. O lenei auala faaeletoni e otometi ona gaosi i lea faiga mo le kamupani ua maea ona faafou ma ua mafai nei e kamaupani tausī mavaega ona lolomi ma aumai nei kopi mo latou faamaumauga.

4.2 Vaega e Mataituina le Tausisia o Tulafono

E fitoitonu le auaunaga a le Vaega e Mataituina le Tausisia o Tulafono i le faatinoina lea o galuega tauave o loo taua i lalo, o loo aiaia i lalo o tulafono autu a le Pulega:

- *la mataitu ma vaavaaia le faatinoga o auaunaga tau tupe faava o malo o lo o tuuina atu i totonu o Samoa;*
- *la puipui ma tausisia le tauleleia o le igoa o Samoa e avea ai ma nofoaga tutotonu mo auaunaga tau tupe faava o malo;*
- *la faamautinoa le galulue faatasi o Ofisa a le Malo, o Faalapotopotoga Tumaoti, ma isi Faalapotopotoga o lo o fesootai i auaunaga tau tupe faava o malo;*
- *la faia fautuaga mo le faaofiina o tulafono fou, teuteuga po o le sui o tulafono e faasino i auaunaga tau tupe faava o malo, kamupani ma isi lava ituaiga o pisinisi;*
- *la faataatitia manulauti, o taiala e faataua ai le faatonutonu lelei o le faatinoina o galuega o auaunaga tau tupe faava o malo i Samoa.*

Ina ia ausia ia galuega tauave, o le matafaioi a le Vaega e Mataituina le Tausisia o Tulafono o le faamautinoa ma mataitu lelei ia pisinisi o lo o laiseneina faapea le vaavaaia o pisinisi faava o malo uma, o pisinisi ua faamauina faaletulafono ma nisi ituaiga o pisinisi e le o lesitalaina ina ia tausisia ia tulafono o auaunaga tau tupe faava o malo o loo faatautaia e le Pulega.

O le Vaega e Mataituina le Tausisia o Tulafono e gafa foi ma le faamautinoaina o loo mulimulita'i pisinisi faaletulafono faava o malo ma isi fuafuaaga faaletulafono o loo faatagaina i lalo o faiga tau tupe faava o malo le tausisia o le Tulafono mo le Puipuia Mai Tupe e Faaofi Mai Faasolitulafono 2007 o lo'o faatonutonuina e le Faletupe Tutotonu o Samoa ma le Tulafono e Taofia ai Faiga Faatupufaalavelave 2014 o loo faatonutonuina e le Matagaluegao o Leoleo ma Falepuipui ma le Tulafono o Faamatalaga Tau Lafoga 2012 o loo faatonutonuina e le Matagaluega o Tupe Maua ma Tiute.

2021 – 2022 Aotelega

O le tausaga faaletupe 2021/2022 o se tausaga sa iloga ona aafia ai galuega masani a lenei Vaega i le pepesi ai o le Koviti-19 ma sa avea lea ma ala sa faataatia ese ai asiasiga faale kuata i kamupani faava o malo ua uma ona faataoto mo kuata taitasi seia mae'a le vavao a le Malo i Tulaga o Faalavelave Faafuasei.

O le tuuina mai o faamatalaga e Kamupani Laiseneina mo Auaunaga Tau Mavaega ma Auaunaga Tau Tupe Faava o Malo sa moomia se taimi faopoopo e tapena mai ai lipoti o kamupani lesitalaina ma kamupani laiseneina e pei o lipoti faaletausaga, faamatalaga tau tupe faale kuata, lipoti faale tausaga ua maea suesueina e se su'etusi, faamatalaga o e e onaina kamupani ma faamaumauga tau tupe o se kamupani pe a fai o loo tuuina mai e se isi tagata ia faamatalaga, ona sa aafia uma ia vaega i vavao ma tapu o le faamai. I le vaai a le Pulega i le ogaoga o aafiaga o le Koviti-19 i le lalolagi o lea sa faamatuu atu ai le taimi faopoopo mo le tuuina mai o faamatalaga faapea ona faapafala ai faasalaga tau tupe e masani ona faia pe a tuai le failaina mai o nei faamatalaga.

O se vaitaimi taua foi lea i le aufaigaluega a le vaega e mataituina ma tausisia tulafono, le faamasani ma talia suiga i le faatinoina ai o galuega mai i o latou aiga e pei ona faatulagaina ia tatou fuafuaaga mo le Faaauuina o Galuega. O ia fuafuaga e aofia ai le faaogaina o komipiuta feaveai, imeli ma fesootaiga i luga o ala faatekonolosi ona e faamuamua lava le puipuiga malu o le aufaigaluega aemaise o le mautinoa ai o loo faaauu pea matafaioi a lenei Vaega.

O le Vaega lenei e to'a 6, o lo o nafa ma le mataituina o pisinisi faava o malo ina ia mautinoa le tausisia o tulafono ma taiala faava o malo, ona o vaitau faapenei e ono ofi mai ai faiga faasolitulafono. O aoaoga e faaoga ai auala o fesootaiga faatekonolosi, o semina, o koneferenisi ma aoaoga e faatautaia e faalapotootoga e fausia taiala faava o malo e pei o le Faalapotopotoga a Asia ma le Pasifika mo le tineia o tupe faasolitulafono,

Faalapotopotoga o Galuega Felagolagomai Tau le Tamaoaiga ma Atinae e lauliliuina Mataupu Tau Lafoga, Faletupe Faava o Malo e gafa ma le Faamaapeina o Fefaatauaiga Tau Tupe faapea le Faalapotopotoga Tau Tupe Fuafua Tatau sa talanoaina ai le tele o mataupu e fesoasoani tele i le afaigaluega e tapena ai i suiga fou o lo o aga'i mai. O nei fonotaga a'o lei alia'e mai le Koviti-19 sa auai atu iai nisi o le afaigaluega a'o lea ua ua mafai ona auai atu i iai le toatele ona o fesootaiga faaneionapo.

Sa mafai ona faataunuu le taamilosaga lona 9 o asiasiga i Kamupani Laiseneina mo Auaunaga Tau Mavaega ma Auaunaga Tau Tupe e 10, faaopopo iai ma le asiasiga faapitoa i le Kamupani a le Asiatic Trust Samoa Limited mo le 300 kamupani faava o malo aua le siakina o faamatalaga o i latou e puleaina kamupani ma faamatalaga o tupe a kamupani e vaavaai pe iai ni faailoga e masalomia ai ni faiga faasolitulafono e ono faatino ai se suesuega auilili.

O nei asiasiga ua fesoasoani tele lea e faamausali ai le tatou tulaga sa ausia i le 2019 o le "Tausisia o Vaega e Tele" e ao ona usitaia mo le Fetufaa'ina o Faamatalaga i luga o Talosaga (EOIR) mai le Faalapotopotoga o Galuega Felagolagomai Tau le Tamaoaiga ma Atinae (OECD) i le Vaega o le Vaaiga Lautele mo Ta'iala Manino ma le faatumauiina o le Fetufa'iina o Faamatalaga mo Mataupu Tau Lafoga. I le taimi nei ua 4,000 kamupani faava o malo po o le 13 pasene o lo o resitalaina ua mae'a suesueina, ma e maualuga le tulaga o le tausisia o tulafono ua ausia e nei kamupani i vaega o faamatalaga i a'i latou e onaina ma a latou faamatalaga tau tupe. O le tele o nei kamupani faava o malo, o kamupani e umia ia sea i isi kamupani ia poo kamupani foi e umia aseta, ma o i latou e onaina e aumau i le Atu Asia.

O lo o naunautai foi lenei Vaega ia mataitu le tausisia o tulafono i galuega faifaatasi aua le aveesea o Samoa mai le lisi a le luni a Europa mo atunuu e le tausisia ma le felagolagomai i le fetufaina o faamatalaga tau lafoga, aemaise le faasaoina o tatou pisinisi tau tupe faava o malo ma faaauau ai pea lona sao taua i le tamaoaiga o Samoa faapea le tauleleia o Samoa o se tasi o nofoaga o pisinisi faava o malo lelei i le lalolagi.

I le faaiuga o lenei tausaga faaletup, o le aofaiga o tatou kamupani ma kamupani lesitala e:

<i>Auaunaga o lo o Laiseneina</i>	<i>Aofai</i>
<i>Kamupani Laiseneina mo Auaunaga Tau Mavaega ma Auaunaga Tau Tupe Faava o Malo</i>	10
<i>Teuga Tupe Faava o Malo</i>	1
<i>Kamupani Inisiua Faava o Malo</i>	2
<i>Pule ma Foe o Faaputugatupe Soofaatasi Faava o Malo</i>	2
<i>Kamupani mo Faaputugatupe Soofaatasi Faava o Malo</i>	3
<i>Pule o Kamupani Inisiua Faava o Malo</i>	4
<i>Su'e Tusi</i>	17
<i>Fa'amaape Oa</i>	16

4.3 Vaega o Tupe ma Fafoega:

4.3.1 Vaega o Tupe

I lenei tausaga faaletupe, sa taumafai ai le Vaega o Tupe e ausia se tulaga maualuga i ana galuega tauave e aofia ai le faamaumau lelei o faamatalaga, le tuufa'atasia o faamatalaga tau tupe faapea le malupuipua o faamatalaga tau tupe e fesoasoani ai i le Fono a Faatonu ma le Pulega i a latou faaiuga fai.

O le iai o le polokalame faapitoa o le **FRONT ACCOUNTING** ua mafai ai e le Vaega o Tupe ona tapena ia lipoti faalemasina, faalekuata ma le tausaga atoa i se taimi vave i le lelei atoatoa ma le faatuatuaina.

O le sueina e Su'etusi o Faamatalaga Tau Tupe mo le tausaga faaletupe 2021/2022 sa amata i le aso 30 Aokuso 2022 ma faamae'a ma sainia i le aso 28 Oketopa 2022.

I lona aotelega, o se tausaga manuia lenei mo le Vaega o Tupe.

4.3.2 Vaega mo le Auaunaga



O le Vaega o Tagata Faigaluega e gafa ma le pulega lautele ma le faamaopoopoina o le auaunaga i tulaga o le Faafaigaluegaina ma le Filifiliga i se tulaga le faaitu'au ma faatuatuaina. Le vaavaaiga o Tulafono Faatonutonu ina ia mautinoa le malamalama o le Auaunaga i tulaga Faigaluega ma ia tausisia Tulaga ma o Galuega. O le fa'afoeina o isi auaunaga taua e aofia ai le tapenaina o totogi, fa'afoeina o Aseta ma

fa'atumauiina le malamalama o le auaunaga e fa'atino lelei Galuega a le SIFA.

E 14 le aofai o le Pulega ma le 38 o le Auaunaga lautele a le SIFA. E to'afitu (7) sui fou i le tausaga fa'aletupe ua tuana'i e iai le Auaunaga Lagolago, Vaega o Pisinisi ma Atina'e, Vaega e Mataituina le Tausisia o Tulafono ma le Taitai o vaega o Loia ma le Loia ofisa suesue. O Ofisa Resitala e to'alua na fa'afaigaluegaina e le Ofisa mo se taimi le tumau mo le sefululua masina mai ia Mati 2021, o lea ua fa'afaigaluegaina nei e avea ma tagata faigaluega tumau mai le masina o Mati 2022. E to'alima tagata faigaluega ua fa'amave mai le matagaluega i lenei tausaga fa'aletupe, ua faimalaga atu ma aiga i Niu Sila ae o isi ua maua avanoa e auauna ai i isi Matagaluega a le Malo.

Fuafuaga Faaauu a le SIFA:

I le vaitaimi o Fa'alavelave Faafuase'i e ala i le Koviti-19 na aafia ai le lalolagi, sa leai se a'afiaga i le faatulagaina o Galuega a le Vaega o Tagata Faigaluega. Sa iai fuafuaga mo le matou vaega na tu'uina atu ai le auaunaga e ala i le faatinoina o galuega e faaogaina ai auala faatekonolosi, auaunaga mai le mamao e aunoa ma se fa'aletonu i le vaitaimi na tula'i mai ai Tulaga o Fa'alavelave Faafuase'i (SOE).

A'o fa'aaauu pea ona aafia le lalolagi i le fa'ama'i Koviti-19, o loo taula'i ma faataunaina fo'i le soifua manuia e ala i le fa'aleitino faapea ma le mafau o tagata faigaluega i nai fuafuaga faataatitia i nai taaloga e faatinoina e le ofisa i Aso Faraile uma pe a maea galuega.

4.3.3 Vaega mo Auaunaga Faa-Tekonolosi

O le Vaega mo Auaunaga Faa-Tekonolosi sa iai muamua o se vaega ole Auaunaga Fesoasoani, peitai sa tu'u eseeseina ia Vaega e lua ile masina o Tesema ole tausaga 2021. E toatolu sui o lenei vaega, e aofia ai le Faaululuga ole Vaega ma ona sui ofisa e toalua. Ole matou sini autu ole saunia lea o auaunaga Faa-Tekonolosi mo le auaunaga ale SIFA e ala lea ile faapipi'iina, tausiana ma le ma'ata'ituina lea o mea e faatino ai galuega

faa-tekonolosi, o polokalame, o feso'ota'iga, o faiga faaeletoni, ma le toe iloilo ma le lagolago o faiga faavae mo Auaunaga faa Komepiuta ma Faamatalaga Faa-Tekonolosi i totonu ole SIFA.

Sa faatino nei ele Vaega mo Auaunaga Faa-Tekonolosi se matafaioi taua ile tapenaina ma le faatulagaina lea o mea e faatino ai galuega e pei o komepiuta feaveai (laptops), ma masini lomitusi (printers) sa faaogaina e le afaigaluega mo le tatou ofisa i Vaitele, ile taimi sa tapunia ai le atunuu mai auaunaga masani (lockdown). Sa mafai foi ona o matou avatu le fesoasoani mo le tatou afaigaluega sa galulue mai le fale ina ua manaomia. Sa mafai ona saunia e le matou Vaega le lagolago mo Paaga poo tatou kamupani tausii mavaega (TCSPs) oloo latou faaogaina le tatou Auaunaga Faiga Resitala (SRS). Oloo gafatia e le Vaega mo Auaunaga Faa-Tekonolosi ni avanoa e toe faalauaitetele ai le malamalama ma le tomai e ala i mafutaga faaleaoaoga ma a'oa'oga faapitoa i luga o mataupu faa-tekonolosi ina ia tausii ma faailoa ni suiga e le gata i le lalolagi ao pulega faalotoifale i tulafono ma faiga faavae mo auaunaga faa-tekonolosi.

4.3.4 Vaega mo Auaunaga Loia

O le vaega o mataupu tau tulafono e saunia fautuaga faaletulafono mo le SIFA. O lenei vaega e mataituina le faailoa, auiliili ma faia sailiiliga i popolega poo faafitauli tau le tulafono ma tapena se fautuaga faaletulafono talafeagai ina ia mautinoa o loo faatautaia galuega a le SIFA ma faiga faavae i lana aia tatau i se tulaga puipui. O lenei vaega e na'o le lua (2) tagata faigaluega ma se faamoemoega e saunia ma tapena fautuaga faaletulafono i le sa'o ma vave mo le ofisa aemaise paaga e pei o Trustees, afiga ile tamaitai pule, pulega ma le vasega o pule faatonu i mataupu tau tulafono e aofia ai le sa'o ma le lelei o le faatautaiga o konokarate a le pulega, lisi, mataupu tau ile tulafono, faiga faavae aemaise le ogatasi ma taiala.

O lenei foi vaega o loo aofia uma ai faafitauli poo mataupu tau tulafono i isi vaega pe a manaomia. Matou te faamoemoe ina ia mautinoa i taimi uma o loo mulimulitaia e vaega taitasi le tulafono a le SIFA (SIFA Act) e tusa ma tulafono faatonutonu ina ia mautinoa o loo lelei lona iloilo ina e tusa ma taiala o tulafono faavao malo. O se tasi o vaega taua o loo faatauaina e lenei vaega ile tausaga 2022 o suiga o tulafono poo taiala tau tupe faavaomalo ina ia faamautinoa le aveeseina o Samoa mai le lisi o le Faalapotopotoga a le atu Europa (EU list) o atunuu e le'o ogatusa ma faiga faavae o tupe totogi (tax). I lenei taimi o loo faia le auiliiliina o le tulafono tau faaofi o tupe faavaomalo mo le suiga o loo talosaga ai ma faailoa le eseese o tulafono taiala. O lenei suiga o le a faia ai se faatalatalanoaga ma le Vaega o Amioga Taupulea a le Europa (EU Code of Conduct Group) ina ia mautinoa e le gata ina aveesea ai Samoa mai le lisi (blacklist) ae ia faatumauina ai le lelei o pisinisi a le SIFA.

O loo lagolago foi lenei vaega ile IBFC e ala i sailiiliga faaletulafono ma saili ni suiga fou ina ia taitaia ai le faatumauina o le lelei ma le agai i luma o le tauleleia o Samoa e faatosina ai le faatupulaia o pisinisi ma maua nisi paaga fou.

4.3.5 Vaega mo Auaunaga Fesoasoani

O le Vaega o Auaunaga Lagolago na fa'aa'uina ana galuega tauave e tusa ai ma Tulafono a le SIFA e tu'ina atu le lagolago talafeagai mo le Ofisa. E to'a 7 ofisa lagolago, i lalo o le taitaiga a le o lo'o va'ia lenei vaega. I suiga i tulaga faigaluega e ala i Tulaga o Fa'alavelave Fa'afuase'i (SOE) ile vaitaimi o le Koviti-19, sa leai se a'afiaga i le fa'atulagaina o galuega a le auaunaga lagolago, aua le faatinoina e ala i Fuafuaga Fa'aa'uua a le SIFA (BCP). O le taliina o valaau e ala i telefoni, na tali mamao mai ma tu'ina atu i le afaigaluega talafeagai. O felauaiga o le afaigaluega, le tilivaina ma le aumaia o sapaalai e faamalieina ai manaoga o le ofisa sa faatinoina i se tulaga e atoatoa lona lelei. Na faataatia lelei foi fuafuaga aua le fa'amamaina o totonu o le Ofisa i le laeiina o ofu faapitoa aua le puipuiina, saogalemu ma le soifua manuia o le afaigaluega ina ia faaititiaina ai a'afiaga i lamatiaga e mafua ai manu'a ma ma'i tugā.

4.4 Vaega o Pisinisi ma Atina'e

Sa faaauau galuega faalauiloa a le SIFA e lana Vaega o Pisinisi ma Atinae e tusa ai ma nafa taus e lima (5)) o lo o i le Tulafono Autu a le SIFA 2005 e ui ina fetaia'i ai le lalolagi ma luitau mai le faama'i o le Koviti-19.

Galuega Faalauiloa

O se vaitau ese lenei tausaga i le faatino ina o galuega faalauiloa e tau ala atu i auala faatekonolosi ona o tapu i femalagai'a talu ai vavao o le Koviti. Sa faatino ina Semina ma fonotaga faalauiloa e faaoga ai fesootaiga faa initaneti ese mai le masani o le faia o fonotaga sa auai atu ai i atunu'u eseese.


E ui i le mamao ese mai o Samoa mai atunuu o le lalolagi sa faa faigofie ona fesootai ma paaga e tauala atu i aua faa tekonolosi e pei o semina faalauiloa ma fonotaga e tauala atu i fesootaiga faa initaneti.

O se tasi o matatia sa ausia o le lesitala ina lea o le Kamupani Faa lauiloa a le SIFA o le Samoa IBFC lea sa faalauiloa lana upega tafailagi fou ia Fepuari 2022. O le toefuataina ai o le upega tafailagi a le Samoa IBFC o se vaega taua tele i le faamautinoa ina lea o le iai pea o faamatalaga e uiga i ana auaunaga i luga o le initaneti ina ia faigofie ai ona faatino galuega suesue ma galuega faalauiloa a le vaega o maketi a le SIFA. O se tasi foi o vaega taua o le faalauiloa lea o le faailo faalau iloa a le SIFA o le "Samoa IBFC" nei ua tutoatasi lana kampani faa lauiloa.

E pei ona taua i luga, sa tapunia uma Malaga faalauiloa ona o vavao o faigamlaga mai le koviti, peitai sa faatino pea galuega faalauiloa e ala atu i fesootaiga faatekonolosi e pei ona faatino ina ai semina ma fonotaga e faaoga ai le initaneti.

O se auala foi lea na mafai ai ona taimua le auaigaluega e faatino pepa o faatalanoaa ma faalauiloa atili vaega taua e ao ai ona faaoga auaunaga mo pisinisi faava o malo a Samoa e pei o ana Tulafono faa va o malo ua mausali ona tulaga uma. Sa faaauau foi le faiga paaga a le Ofisa ma le vaega o le MX Media o lo o faamutu i Shanghai Saina e tau ala atu lea i la latou fesoasoani i le fausia ina o paaga fou, mataupu tau teuga tupe ma fesootaiga ma latou o lo o fia faaoga ina auaunaga a le SIFA i totonu o Saina. Sa mafai ona faatino ina se aoaoga a le Vaega o Pisinisi ma Atinae i le masina o Luni 2022 sa faalau iloa ai O'a Faavae Resitala ina ma sa auai ai le toatele o le a'u faufautua i mataupu tau mavaega i totonu o Saina e ala atu i le faiga paaga ma le MX Media.

Milestones 2021-2022



Paaga

E le gata i galuega faalauiloa, sa fatino ina foi fonotaga ma paaga Kamupani Tausi Mavaega e ala atu i tekonolosi o le initaneti i ofisa i Samoa nei ae faapea foi Ofisa Tausi Mavaega i atunuu mamao. O nei faatalatalanoaga sa faamanino ai galuega faalauiloa o lo o faatino ina e Kamupani Tausi Mavaega ma faailoa foi galuega faa lauiloa o lo o faatino ina e le Pulega ina ia fausia ai ni taiala mo le lumanai.

O se tasi o itu taua o nei faatalatalanoaga o le faamaninoina o manaoga tau maketi a Kamupani eseese faatasi ai ma ni manaoga po o auala o lo o moomia ai le fesoasoani a le SIFA. E ui ina iai vavao o le koviti sa mafai lava ona faatino ina nei fesootaiga e tau ala atu i fesootaiga faa tekonolosi ma ao ina mai faamatalaga mai Kamupani Tausi Mavaega aua galuega faalauiloa a le Pulega mo le lumanai.



TCSP

End of 2021-2022 FY Dinner

2022

MANU SAMOA 7S TEAM

Samoa IBFC as Major Sponsor



Lagolago Autu mo Taaloga

Sa faaaauau pea le lagolago autu a le Pulega mo le a'u lakapi tai toa fitu a le Manu Samoa e tau ala atu i le lolomi ina o lana fuaitau faalauiloa o le "IBFC Samoa". O le faailoa ai o le fuaitau o le "IBFC Samoa" i luga o mitiafu taaloga a le Manu Samoa o se metotia faa maketi e taua tele ona o lo o tausinio le a'u lakapi a le Manu Samoa i atunuu tonu o lo o iai maketi a le SIFA e pei o Hong Kong, Singapore, Dubai ma Lonetona. Sa maitauina le mataina o le faailoa o le fuaitau a le "IBFC Samoa" ina ua toe sao atu le a'u lakapi tai toa fitu a le Manu Samoa i le taamilosaga tai toafitu a le lalolagi a le HSBC World Sevens Series 2022 talu mai vavao o le Koviti sa aafia ai le lalolagi. E le gata i le lagolago i le a'u lakapi taitoafitu a le Manu Samoa Samoa sa tuuina atu foi fesoasoani tau seleni i le

anoanoa'i o au lotu, faalapotopotoga laiti, faalapotopotoga tu ma oti i totonu o lo tatou atunuu e ala lea i sailiga seleni mo ta ga polo, aoaoga, fiafiaga, semina faa Kerisiano ma le tele o faamoemoe a moomia ai le fesoasoani seleni ae faailoa ai le fuaitau faalauiloa a le Pulega o le "IBFC Samoa" po o le "Samoa IBFC."



5. Atina'e

5.1 Aoaoga Tau Tomai Faapitoa & Fonotaga Faaleaoaoga

- ⇒ Samoa IBFC Zoom, Fonotaga ma Ofisa Tausi Mavaega Laiseneina, Fepuari-Mati 2022
- ⇒ Semina mo Oa Faavae Resitalaina, Sasae Tu Totonu - Mati 2022
- ⇒ Semina, Oa Faavae Resitalaina Samoa IBFC - Iuni 2022
- ⇒ Aoaoga i le Iloiloina o Faamaumauga ma Suesuega a le Faalapotopotoga e Vaavaaia Tulaga Tau Inisiua Faava o Malo (GIICS), Iulai 2022
- ⇒ Fonotaga a le Faalapotopotoga e Vaavaaia le Tulaga o Auaunaga Tau Tupe Faava-o-Malo (GIFCS), Aperila 2022
- ⇒ Fonotaga Faaitu Lagi a le APG mo le Mataituina o Faalapotopotoga e le ni Fale Tupe ao Pisinisi ma Auaunaga ma Tomai Faapitoa (DNFBP), Oketopa 2021
- ⇒ Fono Faaletausaga a le Asosi Faava o Malo a Supavaisa o Inisiua (IAIS) ma le Koneferinisi Faaletausaga, Novema 2021
- ⇒ Aoaoga a le Asosi Faava o Malo a Supavaisa o Inisiua (IAIS) Novema 2021
- ⇒ Aoaoga Faapitoa a le Faalapotopotoga a le Pasefika ma Asia (APG), Aperila 2022
- ⇒ Aoaoga Faapitoa a le Faalapotopotoga a le Pasefika ma Asia (APG) I le tausisia o o taiala a le Faalapotopotoga Autu mo le Faatinoina o Fuafuaga (FATF), Me 2022
- ⇒ FATF Fono faaletausaga, Iuni 2022
- ⇒ Fonotaga a le Komiti mo suesuega a APG, Iulai 2021
- ⇒ Fou le system mo le faafouina ma le resitaraina o Kapuani faava o malo, Me 2022
- ⇒ Semina a le GIICS mo kamupani insiua, Iulai 2021
- ⇒ Fonotaga le Komiti Faafoe (Task Force), Fepuari 2022

5.2 Kalapu a le Auaigaluega

Sa filifili mai e le Auaigaluega le komiti ina ia mafai ona tuu faatasia ni galuega faatino mo le auaigaluega ina ia galulue faatasi ma faafiafiaina ai le tasi i le tasi. O nisi o galuega faatino sa faatinoina e le Kalapu a le Auaigaluega aua tagata faigaluega i le 12 masina talu ai e aofia ai: Siva faamalosi tino, faleoloa, laeiina o lou lava laei i masina taitasi, aso faapitoa mo tina ma tama, Asosa paepae o le fanau, Aso faapitoa mo tagata faigaluega a le malo, Fiafia o le Kerisimasi mo le faaumaina o le tausaga, Failauga mo aso faapitoa, asiasiga i le maota i Mapuifagalele, taamilosaga neti polo ma aso taaalo. Sa faapena foi ona patipatia le fanau o nisi o pepe fou e toa 2, faamavaega ma i latou ua tuua le Ofisa, asiasi ia i latou sa gasegase, faatasi ai ma i latou o e e pele ua faailagi le folauga. O lea e faafetaia ai e le Komiti le lagolagosua a le Pulega, Auaigaluega faapea aiga mo le tausaga. Faafetai tele!

6. Taunuuga o Galuega Tau Tupe a le SIFA

Otootoga o faamatalaga o Tupe ua Sueina Faasuetusi:

Tulaga tau Tupe:


Ua faamauina le siitia ai o aseta a le SIFA i le 4.9 pasene mai le SAT99.2 miliona i le tausaga ua mavae i le SAT94.3 miliona i lenei tausaga. O nei aseta e tele i tinoitupe ma teugatupe e tusa ma le 90 pasene.

Galuega tau Tupe:

Ua faamauina le 7.2 pasene ua faaititia ai Tupe Maua a le SIFA mai le SAT28.8 miliona i le SAT26.7 miliona ua faamauina i le faaiuga o Iuni 2022. O lenei faaititiga e mafua mai i le faaititia ai o tupe maua mai i le tuufaatasiina o kamupani fava o Malo ma auunaga e toe faafouina ai ia kamupani lesitala faatasi ai ma le tuuititia ai o tupe tului mo teugatupe faavaitaimi i faletupe, aemaise ai le faaititia o tupe faamauina mai tupe fa'afaigaluegaina i le UTOS.

Ua faamauina le siitia o Tupe Faaalu i le 21.7 pasene mai le SAT7.4 miliona i le SAT8.9miliona i le tausaga faaletupe lenei. O lenei si'itaga e mafua ona o tupe faaalu i fa'alauiloa na fa'amauina i totonu o le tausaga. O le aofa'i o Tupe Mama uma a le SIFA i lenei tausaga e faaiuina i le Aso 30 Iuni 2022 e SAT17.1 miliona ma o se faaititiga e 17.1 pasene mai le SAT21.4 miliona i le tausaga talu ai.

ATA 1:



FAAMATALAGA TAU TUPE

Lipoti a Faatonu	27
Faamatalaga a le Pulega	29
Lipoti a le Su'etusi Tuto'atasi	30
Faamatalaga o le Tuufaatasiga o Meatotino ma Aitalafu	32
Faamatalaga o Tupe Maua ma Tupe Fa'aalu	33
Faamatalaga o Fesuiaiga o Tupe Faavae	34
Faamatalaga o Tupe Fetafea'i	35
Faamatalaga Tau Tupe	36

**Pulega o Tupe Faava o Malo a Samoa
Lipoti a Faatonu
Mo le Tausaga Faale-Tupe e Faaiuina i le Aso 30 Iuni 2022**

E tuuina atu e le Fono a Faatonu le latou Lipoti faatasi ai ma Faamatalaga Tau Tupe Faava o Malo a Samoa (“SIFA”) mo le tausaga faaletupe e faaiuina i le Aso 30 Iuni 2022, faapea ia le Lipoti a le Su’etusi e tusa ai ma le *Tulafono o le Pulega o Tupe Faava o Malo a Samoa 2005* (“Tulafono a le SIFA”).

Faatonu

O Sui nei o le Fono a Faatonu a le SIFA ao faagasolo le tausaga e oo mai i le taimi o lenei Lipoti:

Taimalie Ernest Betham (Ta’ita’ifono)

Galumalemana Patrick Rasmussen

Taima’aiono Agnes Falelua Kerslake

Pule Sili Matagaluega o Tupe

Tufuga Fagalua Tufuga

Galuega Autu

O galuega autu a le SIFA o le mata’itu ma vaava’ai le sologa lelei o le faatinoga o auaunaga tau tupe faava o Malo i Samoa. E le’i iai se suiga i galuega autu po o se suiga foi i ituaiga auaunaga o lo o faia.

Tulaga o lo o iai Galuega a le SIFA

I le manatu o Sui Faatonu:

- (i) O Faamatalaga o Tupe Maua ma Tupe Faaalu, Faamatalaga i Fesuaiga o Tupe Faavae ma Faamatalaga o Tupe Fetafeai, ua tapenaina ia atagia lelei ai le tulaga tonu o lo o iai ia galuega a le SIFA ma o latou taunuuga mo le tausaga e faaiuina i le Aso 30 Iuni 2022;
- (ii) O Faamatalaga i le Tuufaatasiga o Paleni o Meatotino ma Aitalafu ua tapenaina ia atagia lelei ai le tulaga o lo o iai le tamaoaiga o le SIFA i le aso 30 Iuni 2022.

Taunuuga o Galuega a le SIFA

O tupe mama mo lenei tausaga e SAT17,776,873 (2021: tupe mama SAT21,447,754).

Faaputugatupe Lautele

Na faamaonia e le Fono Faatonu le vaega tupe e SAT21,807,795 e totogi atu i le Malo o Samoa mo lenei tausaga faaletupe e faai’uina i le aso 30 Iuni 2022. O le aofa’iga atoa e aofia ai le SAT15,000,000 mo le saofaga e tu’uina atu i le tala faatatau o le tupe a le Malo faatasi ai ma le SAT6,807,795 o tupe totogi atu tauala atu i le Matagaluega o Pisinisi Tumaoti.

**Pulega o Tupe Faava o Malo a Samoa
Lipoti a Faatonu (faaaauau)
Mo le Tausaga Faale-Tupe e Faaiuina i le Aso 30 Iuni 2022**

Tupe e totogi faasili i le Malo

O le aofaiga atoa e SAT6,807,795 na totogi atu i le Matagaluega o Pisinisi Tumaoti mo le tausaga faaletupe e faai'uina I le aso 30 Iuni 2022.

Mataupu tutupu talu mai le aso mulimuli o le tausaga faaletupe

E leai ni mataupu na tutupu talu le faai'uina o le tausaga faaletupe e moomia ai se suiga po o se faailoa i totonu o faamatalaga tau tupe.

Apia, Aso 28th Oketopa 2022

Sainia e tusa ai ma Iugafono a Sui o le Fono Faatonu



Taimalie Ernest Betham
TA'ITA'IFONO



Galumalemana Patrick Rasmussen
FAATONU

**Pulega o Tupe Faava o Malo a Samoa
Faamatalaga a le Pulega o le SIFA
Mo le Tausaga Faale-Tupe e Faaiuina i le Aso 30 Iuni 2022**

O Faamatalaga Tau Tupe ua tapenaina o le matafaioi lea a le Pulega o le SIFA (Pulega). Ua tapenaina e tusa ma Alafua

Faava o Malo mo le Sauniaina o Lipoti Tau Tupe ma e aofia ai aofaiga na fuafua ma faatatau lelei e le Pulega.

Ua mae'a tapena ma faatulaga e le Pulega auala faatausi tusi e aofia ai ta'iala tusitusia ma auala masani e limata'ita'iina ai tulaga uma tau tausi tusi. O nei faiga e mafai ai ona talitonuina faamatalaga tau tupe ua tapenaina; atoa ai ma le malu puipuia o aseta a le SIFA.

O le Fono a Faatonu e mata'ituina le Pulega i le faatinoga o matafaioi e faatatau i Faamatalaga Tau Tupe. Ua mae'a foi ona silasila le Fono a Faatonu i Faamatalaga Tau Tupe ua tapenaina ma ua latou faamaonia e tusa ai ma fautuaga a le Pulega o le SIFA.

O le Su'etusi Sili o le Malo Tutoatasi o Samoa na su'esu'eina Faamatalaga Tau Tupe ua tapenaina. Ua tuuina atu foi le latou lipoti o lo o faamatalatala ai vaega na aafia i a latou su'esu'ega ma le latou manatu faasuetusi.



Tuifaasisina Sieni Voorwinden

PULE SILI

Aso: 28 Oketopa 2022



Please address all correspondences
to the Controller and Auditor General

LIPOTI A LE OFISA SUETUSI

MO FAATONU O PULEGA – PULEGA O TUPE FA'AVA-O-MALO A SAMOA

Manatu Fa'asuetusi

Ua mae'a ona matou su'eina Faamatalaga Tau Tupe o lo'o faapipi'i faatasi atu a le Pulega o Tupe Fa'ava-o-Malo a Samoa, e aofia ai le Faamatalaga Tau Tupe e pei ona iai i le aso 30 Iuni 2021, ma Faamatalaga o Tupe maua ma tupe fa'aalu, fa'amatalaga o fesuiaiga o tupe faavae, ma fa'amatalaga o tupe fetafea'i, mo le tausaga e pei ona faai'uina ai, fa'atasi ai ma le oototoga o tu'utu'uga iloga faatausi tusi ma faamatalaga faaopoopo. O Suetusi Aloaia Fa'alauaitetele, XSAO Consult Ltd, na fesoasoani i lenei suega o tusi. Sa ta'ita'ia lenei galuega ua fa'ai'uina i lenei manatu po'o le lipoti Fa'a-Suetusi Tutoatasi e Violet Roebeck-Fasavalu.

I lo matou manatu, ua tuuina mai Faamatalaga Tau Tupe se vaaiga e tonu ma talafeagai le tulaga tau tupe a le Pulega o Tupe Fa'ava-o-Malo a Samoa, e pei ona iai i le aso 30 Iuni 2021, ma ana faatinoga faale-tupe, fesuiaiga o tupe faavae, ma ana tupe fetafeaa'i mo le tausaga na faai'uina ai e tusa ai ma Aiaiga Fa'ava-o-Malo i le Fa'alauiloaina o Lipoti Fa'ale-tupe.

Fa'avae o le Manatu Fa'asuetusi

Sa fa'atino la matou su'ega e tusa ai ma Aiaiga Faa-Su'etusi Fa'ava-o-Malo. O la matou matafaioi i lalo o nei aiaiga o lo'o fa'amanino atili atu i le vaega o Matafaioi Fa'a-Suetusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Pulega o Tupe Fa'ava-o-Malo a Samoa e tusa ai ma Aiaiga Fa'ava-o-Malo Fa'a-tausi Tusi e manaomia lo matou tautu i manaoga amiotonu talafetaui e fa'atatau i le auaunaga Fa'a-Su'etusi i totonu o Samoa. Ua matou faamalieina uma tulaga mo'omia o Aiaiga Faava-o-Malo e pei ona taua i luga. Ua matou talitonu e fa'apea o mau Fa'a-Suetusi na matou maua ua lava ma fetau e tuuina mai ai se fa'avae mo lo matou manatu Fa'a-Suetusi.

O le Matafaioi a le Fono a Faatonu ma le Pulega Mo Faamatalaga Tau Tupe

O le Fono a Faatonu ma le Pulega, e ia te i latou le matafaioi mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloaina o Fa'amatalaga Tau Tupe. O lenei matafaioi e aofia ai le fuafuaina, le faatinoina, ma le faaauuina o pulega faalotoifale talafeagai, le filifilia ma le faaogaina o faiga fa'avae Fa'atausi Tusi ua talafetaui ma le saunia ma le tuuina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio pi'opi'o.

I le saunia o Fa'amatalaga Tau Tupe e tatau i le Fono Fa'atonu ma le Pulega ona fa'amautinoa le mafai ai e le Pulega o Tupe Fa'ava-o-malo a Samoa, o le fa'aauuina o ana galuega ma fa'agaoioiga fa'ale-tupe ma fa'ailoa i le tulaga e tatau ai mataupu e a'afia ai le lumana'i fa'aauu ma fa'aaogā ai le talitonuga maumaututu i lenei lumana'i fa'aauu sei vagana ai ua ta'atia se fa'amoemoe o le Fono Fa'atonu ma le Pulega, e tapunia le Pulega o Tupe Fa'ava-o-malo a Samoa ma taofia uma ana galuega po'o le leai foi o se isi fa'amoemoe mautinoa e toe fa'aauu ai.

O le Fono a Faatonu, e nafa ma le mata'itūina o le sologa lelei o Fa'amatalaga Tau Tupe a le Pulega o Tupe Fa'ava-o-malo o Samoa.

Matafaioi a le Suetusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Faa-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auililiina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniga talafeagai peita'i e lē mafai ona maua se mautinoa atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se suega e tusa ai ma



AUDIT OFFICE

*Please address all correspondences
to the Controller and Auditor General*

Aiaiga Faa-Suetusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i le aotelega atoa, ma e ono a'afia ai fuafuaga i mataupu tau tupe a i latou o le a fa'aaogaina Fa'amatalaga Tau Tupe ma fa'avae mo nei fuafuaga.

E tusa ai ma Aiaiga Faa-Su'etusi Fa'ava-o-Malo, e faatino la matou su'ega i le tulaga maualuga ma le tomai fa'apitoa. E faapea foi ona matou:

- Fa'ailoa ma auiliili ni lamatiaga o fa'afitauli mai fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma faatino gaoioiga e tali atu i nei lamatiaga, ma faamauina mau faasu'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinuaiga, pepelo, ave ese ma le iloa, fa'amatalaga sese, po'o le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioiga talafeagai i ia tulaga ae lē mo le faamoemoe e fa'aalia se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aaogaina ma le talafetai o fua fa'atautu Fa'a-tausi Tusi ma fa'amatalaga feso'otai a le fono a Fa'atonu ma le Pulega.
- Fa'amautu le talafeagai o le fa'aaogaina e le fono a Fa'atonu ma le Pulega o le fa'avae Fa'a-tausi Tusi o le gafatia o le fa'aauau o le auaunaga a le Pulega o Tupe Fa'ava-o-malo a Samoa ma fa'avae i mau Fa'a-Suetusi sa tuuina mai, po'o iai se lē mautonu i tulaga ma aiaiga e fa'atautu i le mafai ona fa'aauau le auaunaga a le Pulega o Tupe Faava-o-Malo a Samoa i le lumanai. Afai ae fa'amautu o lo'o iai se tulaga lē mautinoa, e mo'omia le fa'ailoa i le matou lipoti Faa-Su'etusi o fa'amatalaga feso'otai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou suega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aauau o le auaunaga a le Pulega o Tupe Faava-o-malo a Samoa ma ono fa'amuta ai ana galuega faatino.
- Iloilo le fa'ataatiaga, folasaga ma le anotusi o Fa'amatalaga Tau Tupe e aofia ai fa'amatalaga fa'aopoopo po'o fa'ailoa ai fefa'atauaiga ma gaoioiga i se tulaga talafeagai.

E matou te feso'otai ma le fono a Fa'atonu ma le Pulega e fa'atautu i le fa'atinoina o le matou su'ega ma saililiga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Manatu i luga o isi Aiaiga Faa-le-tulafono

I lo matou manatu, o fa'amatalaga tau tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le:

- Tulafono o Fa'alapotopotoga o Samoa a le Malo (Fa'atinoga o Galuega ma le Mafai ona Tali Atu) 2001, ma le
- Tulafono o Pulega o Tupe a le Malo 2001.

Ua matou faamautinoa foi:

- Sa matou mauaina uma fa'amatalaga ma fa'amalamalamaga manaomia mo le matou su'ega; ma
- Sa tausia lelei tusi ma fa'amaumauga o tupe a le Pulega e tusa ai ma la matou saililiga o ia tusi ma fa'amaumauga.

Sa fa'amae'a la matou galuega i le aso 25 Oketopa 2021 ma o lo matou manatu fa'asu'etusi o lo'o fa'avae mai i lea aso

Apia, Samoa
28 Oketopa 2022

Mua'ausa Marshall Maua
SUI PULE MA SUETUSI SILI

**Pulega o Tupe Faava o Malo a Samoa Faamatalaga o
Tuufaatasiga o Paleni o Meatotino ma Aitalafu Mo le Tausaga
Faale-Tupe Faaiiina i le Aso 30 Iuni 2022**

	Faamatalaga	2022 SAT	2021 SAT
ASETA			
Aseta e le faaliliuina i tupe i se taimi vave			
Fale ma Masini	6	6,033,833	5,642,847
Aseta e le fai tino	7	156,813	191,838
Tupe Nono atu ma tupe ua vave totogi	8	731,116	865,852
Tupe o lo o Faafaigaluega	9	27,648,813	26,424,064
Aia tatau e fa'aaoga ai - Lisi	16	496,942	284,606
Aofaiga o aseta e le faaliliuina i tupe i se taimi vave		35,067,517	33,409,206
Aseta e mafai ona faaliliuina i tupe i se taimi vave			
Tinoitupe ma isi ituaiga tautupe	10	57,598,630	64,133,778
Tupe Nono atu ma tupe ua vave totogi	8	1,676,763	1,685,084
		59,275,393	65,818,862
AOFAIGA O ASETA		94,342,910	99,228,068
Aitalafu e Vave Totogi			
Noataga o Lisi	16	139,512	63,007
Aitalafu e Vave Totogi			
Tupe vave totogi mai ma pili e le'i totogia	11	1,817,266	2,936,894
Tupe Fa'aagaga	12	129,729	76,672
Noataga o Lisi	16	357,430	241,340
Aofaiga o Aitalafu		2,443,937	3,317,913
Aseta Faasili		91,898,974	95,910,156
Tupe Faavae			
Faaputuga Tupe Lautele		91,898,974	95,910,156
Aofaiga Atoa o Tupe Faavae		91,898,974	95,910,156

O faamatalaga ua faaopoopo atu o se vaega ta'ua o nei Faamatalaga Tau Tupe.

Sainia mo Sui uma o le Fono Faatonu a le Pulega o Tupe Faava o Malo a Samoa i le Aso 28 Oketopa 2022.



Taimalie Ernest Betham
Ta'ita'ifono

Apia, Samoa
28 Oketopa 2022



Galumalemana Patrick Rasmussen
Faatonu

Apia, Samoa
28 Oketopa 2022

Pulega o Tupe Faava o Malo a Samoa
Faamatalaga o Tupe Maua ma Tupe Fa'aalu
Mo le Tausaga Faale-Tupe e Faaiuina i le Aso 30 Iuni 2022

		2022	2021
	Faamatalaga	SAT	SAT
Tupe Maua			
Kamupani Fou ma Totogifuapau Fa'aletausaga		22,380,958	22,673,518
Totogifuapau o Laisene		183,438	177,361
Isi Tupe Maua ma Tupe Faasili	3(o)	1,727,280	1,716,705
Tupe tului		<u>1,880,638</u>	<u>3,044,770</u>
		26,172,313	27,612,353
Tupe Fa'aaoga			
Totogi o le Su'eina o Tusi		55,807	31,536
Faaititiga i Tau o Aseta	6	210,310	162,827
Faaititiga i Tau o Polokalame Komepiuta	7	93,435	116,269
Tului (Aitalafu o le Lisi)	16	44,725	48,897
Faaititiga I Tau o Aseta (ROU o le Lisi)	16	270,499	225,628
Fesootaiga		184,532	148,032
Totogi o Faatonu		76,500	71,002
Faaagaga mo Nonogatupe Faaletonu		20,284	22,559
Lomiga ma Pepa		94,814	84,074
Faalauiloa	13	1,989,032	843,313
Tau mo le Ofisa		153,448	133,943
Totogi o le Aufaigaluega		3,771,621	3,048,310
Isi mea		<u>2,016,548</u>	<u>2,443,148</u>
		8,981,555	7,379,538
Isi Faasiliga/Gau			
Faasili/(gau) e le'i liliutupeina		416,725	423,419
Faaalu i le fuafuaina o le ata o le fale		-	-
Aofaiga o isi Faasiliga/(Gau)		<u>416,725</u>	<u>423,419</u>
Tupe Mama mo le Tausaga		17,607,484	20,656,234
O isi tupe maua tuuafaatasi			
O mea e le toe lipotia i tupe maua ma tupe gau:			
O le suiga i le tau talafeagai o iunite	9	<u>169,389</u>	<u>791,520</u>
Aofaiga o tupe maua tuuafaatasi mo le tausaga		<u>17,776,873</u>	<u>21,447,754</u>

O faamatalaga ua faaopoopo atu o se vaega ta'ua o nei Faamatalaga Tau Tupe.

**Pulega o Tupe Faava o Malo a Samoa
Faamatalaga o Fesuaiaiga o Tupe Faavae
Mo le Tausaga Faale-Tupe e Faaiuina i le Aso 30 Iuni 2022**

	2022	2021
Faamatalaga	SAT	SAT
Paleni o Faaputuga Tupe Lautele i le amataga o le tausaga		
tausaga	95,910,155	96,755,386
Faaopoopo:		
Tupe mama o le tausaga	17,607,484	20,656,234
Isi tupe maua o le tausaga	169,389	791,520
Toese tupe totogi i le Malo o Samoa	(15,000,000)	(15,000,000)
Toese mai tupe totogi i le Matagaluega MPE	(6,807,795)	(7,295,549)
Toese faasaoga e tusa ai ma le IFRS 16	19,741	2,564
Paleni o Faaputuga Tupe Lautele i le faaiuga o le tausaga	91,898,974	95,910,155

O faamatalaga ua faaopoopo atu o se vaega ta'ua o nei Faamatalaga Tau Tupe.

Pulega o Tupe Faava o Malo a Samoa
Faamatalaga o Tupe Fetafea'i
Mo le Tausaga Faale-Tupe e Faaiuina i le Aso 30 Iuni 2022

Faamatalaga	2022 SAT	2021 SAT
Tupe faagasolo mai galuega		
Tupe maua mai totofiguapau ma laisene	23,077,752	23,451,012
Tupe alu i tagata faigaluega	(3,512,415)	(3,213,224)
Tupe alu mo lisi ma le faaleleia o le Ofisa	(13,870)	(29,761)
Tupe alu i faalauiloa	(1,989,032)	(884,967)
Tupe alu i isi mea	(3,435,448)	(2,285,345)
Tupe vave teuina mai	(643,486)	1,383,701
Tupe faasili/(alu) mai galuega	13,483,501	18,421,416
Tupe faagasolo mai teugatupe faavaitaimi		
Tupe maua mai tului	1,832,836	2,808,463
Tupe faasili mai le faatauina o aseta	62,568	-
Tupe alu mo le faatauina o aseta	(659,707)	(536,126)
Tupeteu faavaitaimi i le UTOS	(0)	4,000,000
Tufafuaga mai le UTOS	136,724	858,077
Tupe alu i teugatupe faavaitaimi	1,372,420	7,130,414
Tupe faagasolo i gaioiga tau tupe		
Tupe totogi i le Malo o Samoa	(15,000,000)	(15,000,000)
Tupe totogi i le Matagaluega MPE	(6,807,795)	(7,295,549)
Tupe alu i gaioiga tau tupe	(21,807,795)	(22,295,549)
Faateleina /(faaitiitia) i tinoitupe	(6,951,874)	3,256,281
Tinoitupe ma isi mea tautupe i le amataga i le amataga o le tausaga	64,133,778	60,454,078
Faaopoopo: Faasiliga mai le Faaliliuina o Tupe	416,725	423,419
Tinoitupe ma isi ituaiga tautupe i le faaiuga o le tausaga	57,598,630	64,133,778
10		

O faamatalaga faaopoopo e avea ma vaega taua o nei Faamatalaga o Tulaga Tau Tupe.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

1. Faamatalaga Lautele

O le Pulega o Tupe Faava o Malo a Samoa ua faavaeina i lalo o le *Tulafono o le Pulega o Tupe Faava o Malo a Samoa 2005*. O lona ofisa tutotonu ma le nofoaga autu o ana galuega o lo o i le Fogafale 6 o le Faletupe o Atinae a Samoa. O lo o faafoe ma vaavaaia e le SIFA le resitalaina o kamupani, laiseneina o teugatupe, laiseneina o kamupani inisiua, laiseneina o kamupani o faaputugatupe sofoaatasi, ma le laiseneina o kamupani tausii mavaega i lalo o tulafono eseese o auunaga tau tupe faava o Malo.

2. Le fa'aaogaina o alafua fou ma alafua ua toe iloilo

O alafua fou na amata fa'aaogaina mai i le Aso 1 Ianuari 2018

IFRS 15 'Tupe Maua mai Konekarate Faijapaaga'

O le 2018 na fa'aaogaina ai e le Pulega ia ta'iala mo le aloa'ia ai o tupe maua mai konekarate ma paaga. O leni ta'iala sa fa'aaogaina ai le faiga toe fetuutuuna'i i tua (ina ia maua uma ai) suiga e i ai aafiaga ogaoga i faamatalaga o tulaga o tupe i le aso 1 Ianuari 2018, ua tuufaatasia ma faailoa o se suiga e tasi i paleni amata o tupe mama faaputu mai i isi tausaga. I lea tulaga, e le moomia le toe faailoa ai e le Pulega o se isi faamatalaga lona tolu o tulaga o tupe i lena aso.

E leai se suiga i le aso na amata ai lea ta'iala, 1 Ianuari 2018, i le faavasegaina ma le fuapauina o tupe maua a le Pulega.

IFRS 9 'Faiga Tautupe'

O le IFRS 9 ua suia ai le IAS 39 'Faiga Tautupe: Amana'iaina ma Fuafuaina'. O leni alafua ua afua ai suiga taua i le alafua muamua i le faavasegaina ma le fuafuaina o aseta tautupe, ma faaofi mai ai le auivi o le "fuafuaina o tupe e ono gau" mo aseta tautupe ua faaletonu. I le fa'aaoga aloaia ai o le IFRS 9, sa faatino ai e le Pulega ia fesuiaina fetu'utu'unai o lo o mafai ona fai, ma manatu ai e le tau toe faailoa mea ua uma ona lipotia i tausaga ua te'a. O eseese ua tutupu mai i le IFRS 9 e pei o le faavasegaina, fuafuaina ma le faaletonu o faiga tautupe e lipotia lea i tupe mama o lo o faaputu.

O le fa'aaogaina o le IFRS 9 e aafia ai ia vaega nei:

- Le faavasegaina ma le fuafuaina o aseta tautupe a le Pulega. O le Pulega a le Ofisa e faafoeina ia ana aseta tautupe ma aoina ia tupe o lo o maua mai ai. O teugatupe faapolomisi i le UTOS sa faavasegaina talu ai o teugatupe o lo o taofi se'ia matua (HTM) e tusa ai ma le IAS 39 ma o lo o fa'aaauu pea ona faamauiina i lona tau faaitiitia ona o lo o fetau ma faiga o le umia ai ma le aoina o tupe faapea uiga o tupe fegasoloi e tusa ai ma le IFRS 9.
- O teugatupe faavaitaimi a le Pulega e mafai ona liliu i isi teugatupe sa fua i le tau talafeagai ma lipotia i tupe mama ma tupe gau (FVTPL) o lo o fa'aaauu pea ona fua i le auala lava lea (FVTPL).
- O teugatupe faavaitaimi a le Pulega i tupe faavae (iunite i le UTOS e le fefa'ataua'ia) sa faatulaga muamua o aseta tautupe e mafai ona faatau atu sa fua i le tau talafeagai i le aso tonu e lipotia ai i lalo o le IAS 39 ua uma nei ona toe faavasega i ona tau talafeagai i lalo o isi Tupe Maua Tuufaatasi (FVTOCI).
- O faaletonu i aseta tautupe e faaoga ai le auala o lo o fuafua ai tupe e ono gau. O leni faiga e aafia ai nonogatupe ma teuga tupe faavaitaimi i le mafai ai ona toe totogi mai ai o aitalafu ma aseta tautupe e fua i tau faaitiitia. O le auala e fuafua ai tupe e ono gau e moomia ai le lipotia e le Pulega o tupe uma e ono gau ma suiga i tupe i aso e tataua ona lipotia ai, ina ia atagia ai faafitauli i nonogatupe talu ona amana'iaina ia aseta tautupe. I se isi faamatalaga faigofie, e le toe talafeagai le tupu muamua o se gau ona faatoa faailoa lea o lea gau. I lea tulaga e moomia e le IFRS 9 le Pulega e fua le aofaiga o tupe e ono gau faaagaga e tusa ma le umi o

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

fuafuaaga o tupe e ono gau pe afai o lamatiaga i tupe e ono le toe maua ua faatupulaia talu ona umia lea aseta tautupe. Ae afai o lamatiaga i tupe e ono le toe maua mai i ia faamoemoega tautupe, e le o matua faatupulaia, e tataui i le Pulega ona fuafaatatau le aofaiga o tupe e ono gau i le 12 masina. E moomia foi e le IFRS 9 auala faafaigofie e fua ai le aofaiga o tupe e ono gau faaagaga e tusa ma le umi o nonogatupe, aseta faakonekarate ma lisi toe totogi mai tulaga faapitoa.

O faiga tautupe a le Pulega i le mua'i faaaogaina o le alafua i le aso, 1 Ianuari 2020.

	<u>Vaega e fua ai</u>		<u>Tau tauave</u>		
	Vaega IAS 39	Vaega Fou IFRS 9	Paleni totoe 30 Iuni 2020 IAS39	Amataina o le IFRS 9	Paleni amata 1 Iulai 2021 IFRS 9
Aseta tautupe e le vave faaliliuina i tinoitupe			SAT	SAT	SAT
Lunite i le UTOS	E mafai ona faatau atu	FVTOCI	24,178,812		24,178,812
Teugatupe Faapolomisi i le UTOS	Taofi se'i matua	Tau Faaitiitia	3,470,000		3,470,000
Teugatupe e mafai ona liliu i le UTOS	FVTPL	FVTPL	-		-
Nonogatupe a le Auaigaluega	Nonogatupe ma tupe vave totogi	Tau Faaitiitia	730,900		730,900
Aseta tautupe e mafai ona faaliliuina i tupe i se taimi vave					
Tinoitupe i faletupe ma tupe teu faavaitaimi	Nonogatupe ma tupe vave totogi	Tau Faaitiitia	57,598,630		57,598,630
Aofaiga o le paleni o aseta tautupe			85,978,342		85,978,342

Alafua, suiga ma faamalamalamaaga e le'i faatinoaga pe vave faaoga e le Pulega

I le aso na faamaonia ai nei faamatalaga tautupe, o nisi o vaega fou, o Alafua, suiga i Alafua o lo o i ai i le taimi nei ma Faamalamalamaaga sa faailoa e le IASB e le'i amatialiaina. O nei Alafua, suiga i Alafua ma Faamalamalamaaga e lei vave faaaogaina e le Pulega.

O le manatu o le Pulega o folafolaga uma nei o le a amata faatino i le uluai taimi i le aso tonu e folafola ai po o le tuana'i ai o le folafolaga. O Alafua fou, suiga ma faamatalaga e le'i faatinoaina ua le lisina atu i lalo ma le faailoaina atu ona o lo o iai le manatu e le tele sona faaaogaina i faamatalaga tautupe a le Pulega

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

IFRS 16 'Lisi'

O le IFRS 16 ua suia le IFRS 17 'Lisi ma isi Faamalamalamaaga e tolu e o faatasi. O lenei poloketi umi a le IASB e faamae'a ai le faaleleia o faamaumauga o lisi. O lisi o le a faamau i faamatalaga o tulaga tautupe mo aiatatau e faaoga ai ma noanoatia ai. I le IFRS16, e lua ia faamama avega taua mo asa laiti o latou tau ma lisi pupuu e i lalo ifo o le 12 masina.

O le IFRS 16 e amatalia lona faaaogaina mai le piliota e amata i le/pe o le tuanai o le, aso 1 Ianuari 2019. Ua faaaogaina e le SIFA lenei alafua IFRS 16 mo lisi o loo i totono o faamatalaga o tupe I le faaiuga 30 Iuni 2022.

3. Faamatalaga Tāua o Faiga Faavae o Faamatalaga Tau Tupe

O taiala faatausi tusi sa faatino ai le tapenaina o faamatalaga tautupe o lo o taua atu i lalo. O ia taiala o lo o faaaogaina i faamatalaga atoa o faamatalaga tautupe o le tausaga, seia vagana ua iai se mafuaaga.

a. Faavae o le Tapenaina o faamatalaga

O Faamatalaga Tautupe a le Pulega o Tupe Faava o Malo a Samoa ua tapenaina e tusa ai ma Alafua Faava o Malo mo le Lipotiina o Faamatalaga Tautupe (IFRS).

Ua tapenaina Faamatalaga Tautupe e tusa ma tau sa faatauina ai, vagana nisi mea totino ma faiga tautupe sa toe fua i tau fou po o tau talafeagai i le faaiuga o le piliota tau tupe e pei ona faamatalaina i faiga faavae tautupe o lo o i lalo.

O tau na faatauina ai e masani ona fua i tau talafeagai na totogi ai se oloa po o se auaunaga.

O le tau talafeagai o le tau lea na maua mai i le faatauina atu o se aseta pe na totogiina atu e soloia ai se aitalafu e pei ona masani ai i latou i le maketi i aso o fefaataua'iga, e ui o iai se tau ua uma ona fuafua e faaoga ai nisi auala o faiga o tau. I le fuafuaina o se tau talafeagai o se aseta po o se aitalafu, e vaavaai le Pulega i vaega eseese o le aseta po o le aitalafu pe afai o lo o faatauina e i latou o lo o i le maketi ia vaega eseese i le aso tonu e fuafua e faatau ai. O tau talafeagai e fua ai /pe faailoa ai i faamatalaga tautupe o lo o faapea lava ona fai.

e. Faaliliuina o tupe o isi atunuu

O vaega eseese ua lipotia i faamatalaga tautupe o lo o fua i le tupe a le atunuu lea e iai ia le Pulega ma o le Tala Samoa (SAT). O le Pulega o lo o i Samoa ma o faamatalaga o ana tupe o lo o faaalii (tupe o lo o faaaogaina) i tupe Samoa (SAT).

O pisinisi o lo o faia i tupe a isi atunuu ua faaliliuina i le Tala e faaoga ai le fua faatatau e fesuia'i ai ia tupe i le taimi na faia ai le gaoioiga faapisinisi. O tupe faasili po o tupe gau e mafua mai i le taimi o fesuiaiga ma le faaliliuina i le faaiuga o le tausaga o aseta ma aitalafu e faamauina i totonu o tupe maua po o tupe gau. O aseta tautupe ma aitalafu na faia i tupe a isi atunuu i tau sa faatauina ai ua faaliliu i tupe Samoa e fa'aaoga ai le fua faatatau o fesuiaiga i le taimi na fai ai.

O faasiliga ma gau i fesuiaiga o tupe a isi atunuu e faatatau i aitalafu ma isi tupe ua faailoa i tupe mama po o tupe gau ua tuufaatasi ma isi faaliliuga uma i totonu o tupe maua po o tupe gau.

i. Faatusatusaga o fuainumera

Ina ia mautinoa o lo o talitutusa ma le tausaga lenei ia fuainumera o lo o i faamatalaga tautupe, o lea ua toe fetuuna'i ai fuainumera i le tausaga ua mavae i le mea e tatau ai.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

3. Faamatalaga Tāua o Faiga Faavae o Faamatalaga Tau Tupe (faaauau)

o. Tupe Maua

Tuufaatasiina o kamupani ma auaunaga e toe faafouina ai ia kamupani lesitala

O le Pulega e maua le tele o ana tupe mai le tuufaatasia o kamupani faava o Malo i lalo o le Tulafono o Kamupani Faava o Malo faapea ia auaunaga mo le toe faafouina o resitala o kamupani. O tupe maua mai i ia auaunaga o lo o faailoa i le piliota faaletupe na faatino ai lea auaunaga.

O tupe vave totogi mai e Kamupani Tausi Mavaega ua faamauiina o aitalafu toe totogi i se taimi vave ma faato'a faamauiina i lalo o tupe mama pe a faaoga e le Pulega e totogi ai ia le tuufaatasia o kamupani po o auaunaga mo le toe faafouina o resitala a kamupani.

Tupe Tului

O tupe tului mai aseta tautupe i o latou tau talafeagai e lipotia i tupe mama ma tupe gau (FVTPL) o lo o faaopopo i tau faasili (gau) o ia aseta. O tupe tului mai aseta tautupe i o latou tau faaititia ma aseta tautupe o lo o i tau talafeagai ua lipoita o isi tupe maua uma (FVOCI) e faaoga ai le auala tonu mo tului ma o lo o faailoa i le Faamatalaga o Tupe Mama ma Tupe Gau ma Isi Tupe Maua Uma. O tupe maua mai I tului e maua mai I nonoga tupe o loo teu faavaitaimi I faletupe faapea tupe faafaigaluega I le UTOS.

Isi tupe maua ma tupe faasili	<u>2022</u>	<u>2021</u>
	<u>SAT</u>	<u>SAT</u>
Totogi o fa'asalaga	268,100	282,230
Pili totogifuapauina	245,057	317,452
Tufatufaga- UTOS	1,105,317	1,055,359
Tului mai Aitalafu a le aufaigaluega	46,238	61,663
Tupe faasili mai faatauga o Aseta	<u>62,568</u>	<u>0</u>
Aofaiga	<u>1,727,280</u>	<u>1,716,705</u>

O le tele o paleni o nei tupe maua ma tupe faasili e mai le tufatufaga o tupe o loo faafaigaluegaina I le UTOS. O tufatufaga o tupe o lo maua mai aseta tautupe o loo fuafaatatau I tau talafeagai I tupe mama poo tupe gau (FVTPL) faatasi ai ma tautalafeagai ua lipotia o isi tupe maua uma (FVOCI).

u. Faiga Tautupe

Amanaiaina ma le le amanaiaina

O aseta tautupe ma aitalafu tautupe e amanaiaina i le taimi e avea ai le Pulega o se paaga i se konekarate tautupe.

O aseta tautupe e le amanaiaina pe afai ua faamuta le aia tatau e maua mai ai se faamanuiaga tau tinoitupe po ua faamatuu ese foi ia popolega ma faamanuiaga. O aitalafu tautupe e le amanaiaina pe afai ua faauma, faamagalo, faaleaogaina po ua uma lona taimi.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

Faatulagaina ma fuaina o aseta tautupe

Faatulagaina ma fuafuaga o tau talafeagai i le taimi muamua

Vagana ai aitalafu i pisinisi masani e le o iai se vaega ogaoga tautupe e noatia ai ma o lo o fuaina i lona tau o fefaatauaiga e tusa ai ma le IFRS15, o isi aseta tautupe uma o lo o mua'i fua i le tau talafeagai ua fetuuna'i e tusa ma ona tau faaalu i fefaatauaiga o iai (pe a tusa ai).

O aseta tautupe a le Pulega o lo o faatulagaina i vaega nei:

- Tau faaitiitia
- Tau talafeagai i tupe mama ma tupe gau (FVTPL)
- Tau talafeagai i isi tupe maua (FVOCI). O le faatulagaina e fuafua i mea e lua nei:
- O le faiga faapisinisi e faafoe ai le aseta tautupe
- O le maliega i gasologa o tupe mo le aseta tautupe

O tupe maua ma tupe faaalu uma i aseta tautupe o lo o amanaiaina i totonu o tupe mama po o tupe gau o lo o faaalua i tupe faaalu mo tupe, tupe maua mai tupe po o isi vaega tautupe, vagana ai ia faaletonu o aitalafu o lo o faaalua isi tupe faaalu.

Fuafuaga o tau o aseta tautupe i le mae'a ai o le tausaga faaletupe

Aseta tautupe i tau faaitiitia

O aseta tautupe o lo o iai konekarate e maua mai ai ua fua i o latou tau faaitiitia. O tupe faasili po o tupe gau, mai aitalafu faaletonu e toe fuaina i o latou tau faaitiitia ma e le toe aafia i fefaatauaiga, o lo o amanaiaina i tupe mama ma tupe gau pe a ua le toe amanaia po o ua faaletonu lea aseta tautupe. Tupe tului mai i ia aseta tautupe o lo o aafia i totonu o "tupe tului" e faaaogaina ai faiga talafeagai lelei mo tupe tului. O ia vaega e aafia ai paleni o tupe ma nonoga tupe a le aufaigaluega.

Aseta tautupe i tau talafeagai i tupe mama ma tupe gau (FVTPL)

O aseta tautupe o lo o i totonu o faiga pisinisi eseese e ese mai le umia ma aoina po o le umia ma aoina ma faatau atu e faavasegaina i tau talafeagai i tupe mama ma tupe gau. Po o le a lava le ituaiga pisinisi, o aseta tautupe o lo o iai konekarate e maua mai ai tupe e le faapitoa mo le tologiina o nonogatupe ma tupe tului e faamauiina i le FVTPL. O lea vaega e aafia ai tupe faaliliu i le UTOS. O aseta i lea vaega e fua i le tau talafeagai, o ni tupe maua pe gau e faailoa i tupe mama ma tupe gau.

Tupe faavae i tau talafeagai i isi tupe maua (FVOCI)

E faamauiina e le Pulega ia tupe faavae i FVOCI pe afai e le fefaataua'ia. O le vaega lea e aafia ai teugatupe faavaitaimi i iunite a le UTOS ma ua faia le faaiuga mautu a le Pulega e amanaia i le FVOCI. O suiga i tau talafeagai (tupe mama po o le gau) e amanaiaina i isi tupe maua ma e le toe suia lona faiga e tusa lava po ua le amanaiaina le aseta.

Faaletonu o aseta tautupe

O aiaiga o le IFRS 9 mo faaletonu tautupe e faaaoga ai faamaumauga o iai e vaavaai ai i le lumana'i i tupe gau e ono tutupu – po o le faiga e mate ai ia tupe gau (ECL). O le faiga lea e sui ai le IAS 39 "faiga mo tupe gau ua iai". O faiga o tupe i suiga fou ia e aafia ai ia nonogatupe ma isi aitalafu tau tupe o lo o fua i tau faaitiitia ma FVOCI, aitalafu e mafai ona fefaataua'i, o aseta faakonekalate o lo o amanaiaina ma fua e tusa ma le IFRS15 faapea ia noataga i aitalafu ma nisi o faamaoniga tautupe ua faakonekalate (mo le na faamatuuina le aitalafu) e le o fuaina i se tau talafeagai i tupe maua ma tupe gau.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

O aseta e mafai ona fefaataua'i ma aseta ua faakonekalate

O lo o faaaogaina e le Pulega le auala faigofie e lipotia ai aseta e mafai ona fefaataua'i ma aseta ua faakonekarate ma faamauiina ia tupe gau o gau fuafuaina. O mea ia e maitauina ma fua i ai ni faafitauli e ono tulai mai i le faagasologa o tupe mai faiga faakonekarate, ma vaavaai i ni faaletonu ogaoga e ono tutupu i soo se taimi a o gasolo ai faiga tautupe. Ua faaaoga e le Pulega lona poto masani, faailoilo mai fafo ma faamaumauga e faasino i le lumana'i e fuafua ai le gau e faaaoga iai le faiga mo faaagaga eseese.

E vailiili e le Pulega ia faaletonu o aseta e mafai ona fefaataua'i i tulaga o le tuufaatasiaina o faamatalaga i lona aotelega e fua i aso sa faaletonu ai.

Faatulagaina ma fuafuaaga o aitalafu tautupe

O le faiga o aitalafu tautupe o lo o talitutusa ai lava le IFRS 9 faatusatusa i le IAS 39, o aitalafu tautupe a le Pulega e le o aafia i le faaaogaina o le IFRS 9. Mo le faatinoina atoatoa, o le taiala faatausitusi o lo o taua i lalo.

O aitalafu a le Pulega e aofia ai ia nonogatupe, o tupe totogi atu i galuega faapisinisi ma o lo o faatulaga i tau faaitiitia.

O aitalafu tautupe o lo o fua i tau talafeagai, ma, a talafeagai, e fetuuna'i le tau faaalu vagana ua manatu le Pulega o
le tau talafeagai o le aitalafu tautupe e faamau i tupe mama po o tupe gau.

O aitalafu tautupe o lo o fua i tau faaitiitia e faaaoga ai le auala tonu mo tupe tului.

O tau o tupe tului uma ma suiga i le tau talafeagai o faiga o tupe e lipoti i totonu o tupe mama po o tupe gau o lo o aofia ai tau o tupe po o tupe mama maua mai tupe.

f. Faamanuiaga e agavaa iai le au faigaluega

O tau faaagaga mo faamanuiaga e agavaa i ai le afaigaluega i aso malolo faaletausaga ma aso malolo mo auunaga umi o lo o fua i o latou totogi o lo o iai i le aso e faapaleni ai tupe.

g. Lisi

O lisi faaoga, e nafa le e ona le aseta ma faafitauli faapea ia faamanuiaga uma o le lisi, o ia vaega o lo o aofia i fetuunaiga o faasiliga mama o lo o fuafua tutusa ai le totogiina i le taimi atoa o le lisi.

h. Lafoga

I lalo o le fuaiupu 23 o le Tulafono o le Pulega o Tupe Faava o Malo a Samoa 2005 e le faia ai ni lafoga i tupe mama a le SIFA.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

3. Faamatalaga Tāua o Faiga Faavae o Faamatalaga Tau Tupe (faaauau)

i. Tinoitupe ma isi ituaiga tupe

O tinoitupe ma isi ituaiga o tupe, e i ai ia tupe o lo o i lima, tupe o lo o i faletupe ma teugatupe faavaitaimi e laititi se avanoa e sui ai lona tau pe a tala.

j. Fale ma Masini

O meatotino, fale ma masini e faaoga ai tau faaitiitia i o latou tau e tusa ai ma le umi o lo latou faaoagaina i o latou taimi faatapulaaina. Ua faaogaina le auala vave e faaitiitia ai le tau e tusa ma le taimi faatapulaaina. O vaega autu o ia meatotino, e iai fale ma masini ia ma le umi o lo latou faaogaina e faapea:

Mea fale ma faaopoopoga	10 tausaga
Masini a le Ofisa	5 tausaga
Taavale	5 tausaga
Faaleleia o lisi	10 tausaga
Fanua	E le faaitiitia le tau
Fale	20 tausaga

k. Aseta e le fai tino

O polokalame komepiuta o lo o faamauiina i le tau na faatau mai ai toese ai le tau faaitiitia. O tau ia ua lipotia i tupe mama ma tupe gau e faaoga ai le 5 tausaga lea e fuafua e faaoga ai.

4. Faatonutonuina o lamatiaga tautupe

O pisinisi a le Pulega e aafia i lamatiaga tautupe e pei o lamatiaga i le maketi e aafia ai le gasologa o tupe tului, o tupe toe totogi mai ma tupe e faagaoioi ai ia galuega. O le faatonutonuina o lamatiaga e nafa lea ma le Pulega faapea le Fono a Faatonu. O i latou e auiliiliina ma vaavaai i lamatiaga tautupe i vaega uma o le pisinisi.

(i) Faatonutonuina o lamatiaga i tupe toe totogi mai

O le lamatia o se paaga i se faiga tautupe e mafua ai se gau tautupe o le isi paaga pe a le mafai ona tausisia ana matafaioi. O faiga tautupe e pei o teugatupe faavaitaimi ma nonogatupe a le afaigaluega e ono aafia ai le SIFA i lamatiaga tautupe.

O le aafiaga o le Pulega i lamatiaga tautupe e fitoitonu i nonogatupe a le afaigaluega. O nonogatupe a le afaigaluega ua faamuta e le faatonuga a le Kapeneta mo ana matagaluega ma faalapotopotoga uma. O nonogatupe a le afaigaluega o lo o iai o lo o faaitiitia mai tupe totogi mai i a latou totogi masani.

I le tuua ai o galuega i le Pulega, e moomia ai latou e iai nonogatupe e totogi aitalafu uma i le taimi e uma ai po o le faia o fetuunaiga mo le totogiina. O le le mafai ai ona totogi atoa o sea nonogatupe e mafua ai se gau ma o lo o iai faaagaga mo gau ia i le taimi nei.

O totogi uma o aitalafu e toese mai i le totogi o le tagata faigaluega o lo o galue, o le mea lea o lo o lelei ai le totogiina o nonogatupe i le taimi nei. O lo o faaoga e le Pulega le auala faigofie e fuafua ai tupe e ono gau i le taimi o le aitalafu ma faaoga matematega (PD) e ono gau ai i paleni o lo o iai i le taimi nei:

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

4. Faatonutonuina o lamatiaga tautupe (faaaauu)

	PD	Aofaiga atoa SAT	Gau faaagaga SAT	Aitalafu faaletonu SAT
30 Iuni 2022				
Nonogatupe Atoa a le Aufaigaluega	2.10%	821,407	90,507.00	90,507.00
Nonogatupe na iloiloina faapitoa				
		821,407	90,507	90,507

O paleni e lei totogia mai e iloiloina po o faaletonu. O le fesuaiga i tupe faaagaga mo tupe gau o nonogatupe a le aufaialuega o lo o faailoa atu i le faamatalaga 8.

ii. O Lamatiaga i tupe o lo o i tupe a isi Atunuu.

O lo o faatonutonu e le SIFA ona aafiaga i le le toe maua mai o ana tupe o lo o faafaigaluega i le tau lea i kamupani eseese o lo o lelei ma maualuga lona faatulagaina e sili atu i lo o le SIFA ma fai lelei ia puipuiga mo nonogatupe a le aufaigaluega.

I le aso o lenei ripoti ua faamauina ai e le SIFA ana tupe i Tala Amerika pei ona taua i lalo:

	2022 SAT	2021 SAT
Aseta Tautupe:		
Tinoitupe ma isi ituaiga o tupe	2,648,367	370,210
Aitalafu Tautupe:		
O tupe vave totogi mai e paaga	(1,369,746)	(2,148,683)
Aafiaga Faasili	1,278,621	(1,778,473)

O aafiaga o lo o taua i lalo e fua i lamatiaga o tupe a isi atunuu o lo o i ai i le aso e faapaleni ai tupe ma le aafiaga i tupe mama.

	Mauuluga/(Mauulalo) SAT	Mauuluga/(Mauulalo) SAT
SAT/USD + 5%	63,931	(88,924)
SAT/USD - 5%	(63,931)	88,924

O le tau lea na faaliliu ai paleni USD i le aso:

06/2022 - 0.3773

06/2021 - 0.3988

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

4. Faatonutonuina o lamatiaga tautupe (faaauau)

iii. O Lamatiaga i tinoitupe o lo o iai

O lamatiaga i tinoitupe o le le mafai ai ona totogi ia ana fuafuaga tautupe pe a oo i taimi e totogi ai. O le faiga lea e fai ai e le Pulega le faatonutonuina o lamatiaga o tinoitupe o le mautinoa o lo o lava ia tinoitupe e totogi ai aitalafu i le taimi e totogi ai i vaitau masani ma vaitau faigata e aunoa ma se gau e tulai mai po o le ta'uleagaina o le Pulega. E faatino e le Pulega le faatatau mo le gasologa o tupe, e vaai i tinoitupe e sau i totonu ma tinoitupe e alu atu i fafo mai le Pulega i le tausaga e fesoasoani i le mataituina o manaoga tautupe ma le faateleina o tupe maua mai i teugatupe. O le masani o le Pulega, ia mautinoa ia lava tinoitupe e vave maua mai mo le faagaoioiga o le Ofisa, e aofia ai le faataunuina o ana fuafuaga tautupe. O le tulaga o lo o iai ia tupe e mataituina i aso uma lava.

iv. O Lamatiaga i tupe tului

Lamatiaga i tau talafeagai i tupe tului

O lamatiaga i tau talafeagai i tupe tului e mafua mai le fesuai o tupe tului e avea ma auala e fesuisuia ai le tau talafeagai o vaega tautupe. O nonogatupe a le afaigaluega o lo o i tului tumau ma e le o iai se aafiaga tele i lamatiaga o tupe tului.

Lamatiaga i tupe maua mai tupe tului

O le Pulega e iai ia ana aseta e maua mai ai ia tupe tului i mea tau tupe teufaavaitaimi. O teugatupe ia e tumau ia tupe tului e maua mai ai ma e leai se lamatiaga i tupe tului o iai i le taimi o teugatupe ia.

Mo teugatupe toe faaauau, e feutaga'i le Pulega ma Faletupe o fefaatauaiga i tupe tului talafegai, ma e teu faaauau i le faletupe e tele le tupe tului e ofoina mai. Ona e tumau le tupe tului e maua mai, e maua le talitonuga o le Pulega o lo o lelei le sau i totonu o tupe e maua mai i tupe tului mai i teugatupe faavaitaimi.

O isi lamatiaga

Lamatiaga i le faatinoga o galuega

O lamatiaga i le faatinoga o galuega, o lamatiaga e mafua mai se gau ona o le faaletonu o ala o lo o faatino ai galuega, faaletonu o le tagata faapea ia le le faamaoni. A le mafaia loa e ala ua faataatitia e puipui ai le faatinoga o galuega, ona aafia loa lea o le igoa lelei o le Pulega ma tutupu mai ai aafiaga tau tulafono ma oo atu ai i faaletonu tautupe. E le mafai e le Pulega ona faapea ifo e leai ni faafitauli i le faatinoga o galuega ae o le faamoemoe i ala ua faataatitia ma mataitu e tali atu i lamatiaga e ono tutupu mai ua mafai ai e le Pulega ona faatonutonu ia lamatiaga. O ala ua faataatitia e aofia ai le vaevaeina o matafaioi, mafai ona maua ia faamatalaga, malosiaga ma faiga e soalaupule ai, aoaoina o le afaigaluega faapea auala e faatino ai suesuega.

5. O fuafuaga ma faaiuga taua tautupe

E faia e le SIFA ia fuafuaaga ma taumatematega mo le lumana'i. O le taunuuga o fuafuaaga ma taumatematega i faiga-faavae tau tautupe o lea e seasea tutusa ai ni fuafuaga ma iuga moni o le a taunuu i ai. O fuafuaga ma matematega e iai ia lamatiaga ogaoga e afua ai ni suiga tetele i tau tauave o aseta ma aitalafu i totonu o le isi tausaga faaletupe e sosoo ai e pei ona taua i lalo.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

a. Fua e fuafua ai tau talafeagai

E faaoga e le pulega metotia o fuafuaaga o tau e saili ai tau talafeagai o faiga tautupe (pe afai e le o ma'ua tau mai maketi) ma aseta e le o ni faiga tautupe. E aofia ai le atinaeina o fuafuaaga ma taumatematega ia tutusa ma talafeagai ma le faatinoina e sui tauva i maketi o le faiga o tau o faiga tautupe. E fua fuafuaaga a le Pulega i faamaumauga aoao mai pe a talafeauga, peitai ane e le tumau ai ona avanoa i taimi uma. I lea tulaga, e faaoga e le pulega faamatalaga o lo o maua. O le tau fuafua e ono eseese ma le tau moni o le a i ai le faatinoina o fefaatauaiga masani i le faaiuga o le tausaga faale-tupe.

b. O le ola aoga o aseta faaitiitia

A faatau se aseta umia totino e le SIFA ona fua lea pe mata o le a le umi talafeagai o le taimi o le a aoga ma umia ai e le SIFA lea aseta fua i luga o faamatalaga ma aiaiga o lea aseta poo vasega o aseta sa umia poo lo o umia i le taimi nei poo le taimi ua tuanai e le SIFA. Afai e le o i ai ni faamatalaga o ma'ua o ia aseta poo le vasega o ia aseta o umia i le taimi nei pe sa umia i le taimi ua tuanai, ona tagai lea i fua tapulaa aloaia.

c. Faaletonu i aseta e le o ni faiga tautupe

O tausaga taitasi e tagatagai ai le SIFA i le tau tauave o ana aseta e sailiili po o iai i se tulaga faaletonu. E faatino fetuunaiga talafeagai i faiga-faavae o ia iloiloga mo se faasaoga, pe a moomia, po o se faaletonu ogaoga i aseta ma faamauina i faamatalaga tau-tupe. O faamaninoga ma faailoa talafeagai e ao ona tausisia ma mulimulitaia mo ia tulaga.

6. Fale ma Masini

	Fanua ma Fale SAT	Meafale ma Masini SAT	Taavale SAT	Faaleleia o Lisi SAT	Galuega Faagasolo SAT	Aofaiga SAT
Tau						
Paleni i le aso 30/06/21	4,816,000	2,243,278	361,500	156,363	240,750	7,817,891
Aseta faaopoopo		116,297	295,000		190,000	601,297
Aseta aveesea		(90,360)				(90,360)
	4,816,000	2,269,214	656,500	156,363	430,750	8,328,828
Paleni i le aso 30/06/22						
Tau atoa faaitiitia o aseta						
Paleni i le aso 30/06/21	-	1,657,180	361,500	156,364	-	2,175,044
Faaitiitiga i tau o aseta	-	173,060	37,250	-	-	210,310
Aseta aveesea	-	(90,360)	-	-	-	(90,360)
	-	1,739,880	398,750	156,364	-	2,294,994
Faaitiitia i tau o aseta:						
Aso 30/06/21	4,816,000	586,098	0	(1)	240,750	5,642,847
Aso 30/06/22	4,816,000	529,335	257,750	(1)	430,750	6,033,833

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

7. Aseta le faitino

	Polokalame e Resitala ai Kamupani SAT	Polokalame Tausi Tusi SAT	Aofaiga SAT
Tau			
Paleni i le aso 30/06/21	897,410	225,428	1,122,838
Aseta faaopoopo	58,410	-	58,410
Aseta aveesea	-	-	-
Paleni i le aso 30/06/22	955,820	225,428	1,181,248
Tau atoa faaitiitia o aseta			
Paleni i le aso 30/06/21	769,276	161,724	931,000
Faaitiitiga i tau o aseta	53,489	39,946	93,435
Aseta aveesea	-	-	-
Paleni i le aso 30/06/22	822,765	201,670	1,024,435
Faaitiitia i tau o aseta:			
Aso 30/06/21	128,134	63,704	191,838
Aso 30/06/22	133,055	23,758	156,813

8. Tupe nono atu ma tupe ua vave totogi

	2022 SAT	2021 SAT
Suiga i tau faaagaga i nonogatupe e ono faaletonu		
Aofaiga atoa o nonoga tupe a le aufaigaluega	821,407	956,858
Toese tau faaagaga mo nonoga tupe e ono faaletonu	(90,507)	(70,223)
	<u>730,900</u>	<u>886,635</u>
Faailoa ma faatulaga i totonu o faamatalaga o meatonito ma aitalafu:		
Aseta e le faaliliuina i tupe i se taimi vave		
Nonoga tupe aufaigaluega – puipuia lelei	731,116	865,852
	<u>731,116</u>	<u>865,852</u>
Aseta e mafai ona faaliliuina i tupe i se taimi vave		
Nonoga tupe aufaigaluega – puipuia lelei	90,291	91,006
Toese tau faaagaga mo nonoga tupe e ono faaletonu	(90,507)	(70,223)
	<u>(216)</u>	<u>20,783</u>
Tupe tului e le'i oo i le taimi e maua ai	355,149	461,754
Tau mai iunite e le'i oo i le taimi e maua ai	1,105,317	1,055,360
Tupe faaoga ua vave totogi	216,513	147,186
Aofaiga o tupe nono atu ma tupe vave totogi	<u>1,676,763</u>	<u>1,685,083</u>

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

O nonoga tupe a tagata faigaluega o lo o maua ai tupe tului faasili ma o lo o puipuia i mea totino i lalo o ia nonoga tupe e umiaina e le tagata faigaluega mo vaitaimi e amata i le 5 e oo atu i le 20 tausaga.

O nei nonoga tupe e ono faamae'aina faapea:

	2022	2021
	SAT	SAT
E le sili atu i le 12 masina	7,054	6,339
E sili atu i le 1 tausaga ae itiiti ifo ma le 5 tausaga	18,293	23,971
Sili atu ma le 5 tausaga	796,060	926,548
Aofaiga	821,407	956,858

9. Tupe o lo o faafaigaluega

	2022	2021
	SAT	SAT
Tupe faafaigaluega i le UTOS i le tau talafeagai i le amataga	22,954,064	22,162,544
Iunite faaopoopo sa faatauina a o faagasolo le Tausaga	1,055,359	0
Fesuiaga i tau talafeagai i le aso 30 Iuni 2022	169,389	791,520
Tupe faafaigaluega i le UTOS i le tau talafeagai i le faaiuga	24,178,812	22,954,064
	-	-
Tupe faafaigaluega i le UTOS – teuga tupe faapolomisi	3,470,000	3,470,000
	27,648,812	26,424,064

O iunite faaopoopo sa faatauina e 654,034 iunite ao faagasolo le tausaga. O le tau talafeagai o nei Iunite sa faatinoina mai i tau na tuuina mai e le UTOS i le tau e SAT1.69 i le iunite e tasi i le taimi na faatauina ai.

10. Tinoitupe ma isi ituaiga tautupe

	2022	2021
	SAT	SAT
Tinoitupe ma paleni o teuga tupe	6,793,346	1,025,856
Teuga tupe faavaitaimi	50,805,284	63,107,923
Tupe ma isi ituaiga tautupe i Faamatalaga o le Faagasologa o Tupe Maua ma Tupe Faaoga	57,598,630	64,133,778

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

E aofia i le paleni o tinoitupe ma teuga tupe le paleni o tupe sa tuu i totonu o Pepa Tupe a le SIFA e totogi ai auauunaga ma e faapea:

	2022	2021
	SAT	SAT
Aofaiga o le paleni o tupe i totonu o pepa tupe	36,738	39,794
	36,738	39,794

O nei pepa tupe e i ai ia paleni tapulaa e faaoga ai e ta'i NZD10,000.00 ma e lokaina i le sefe saogalemu i lalo o le vaavaaiga a le Vaega Tau Tupe. O pepa tupe nei e faaogaina e le Pule Sili ma le Taitaifono pe a malaga atu i malaga tau i le matageluga, e faapea foi ona faaogaina e Faatonu ma le aufaigaluega mo le faamautuina o a latou faleapitaga i malaga tau i le matagaluega.

O lo o teuina foi teugatupe faavaitaimi i faletupe i totonu o le atunuu mo le 3 masina e oo atu i le 6 masina mo tupe tului i le va o le 2% ma le 3% i le tausaga. O le vaevaega o le aofai o teugatupe faavaitaimi i le aso 30 Iuni 2022 o lo o teuina i faletupe o fefaatauaiga e 4 o lo o faaalua i lalo:

	%	2022
		SAT
ANZ	11	5,532,195
BSP	13%	6,431,726
NBS	38%	19,511,391
SCB	38%	19,329,973
Aofaiga		50,805,284

11. Tupe vave totogi mai ma Pili e lei totogia

	2022	2021
	SAT	SAT
Tupe vave totogi mai Paaga Faipisinisi	1,369,746	2,148,683
Pili e le'i totogia	447,519	788,211
Aofaiga	1,817,266	2,936,894

O tupe vave totogi mai paaga, o tupe ia a kamupani tausii mavaega e totogi ai resitala po o le faafouga o resitala o kamupani faava o malo pe a oo i le taimi e tatau ai.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

12. Tupe faagaga mo Aso malolo o le Aufaigaluega

	2022	2021
	SAT	SAT
Paleni i le amataga o le tausaga	76,672	76,649
Aso malolo e lei faaogaina	89,037	19,584
Aso malolo ua faaoga	(35,980)	(19,561)
	129,729	76,672

13. Faalauiloa

	2022	2021
	SAT	SAT
Faalauiloa	1,989,032	843,313

O faalauiloa e aofia ai fesoasoani tau-tupe o lo o tuuina atu i au taaalo a le atunuu faapea semina ma faalauiloa mo Samoa i auaunaga tau tupe faavao malo i atunuu i fafo.

14. Tupe Totogi i le Malo

	2022	2021
	SAT	SAT
Saofaga i le Malo o Samoa	15,000,000	15,000,000
Tupe Totogi I le Matagaluega o Pisinisi Tumaoti	6,807,795	7,295,549
	21,807,795	22,295,549

O le Aofaiga o le Saofaga e SAT15 miliona sa tuuina atu i le Malo mo lenei Tausaga Faaletupe 2021/2022 i lalo o le vaega 18 o le *Tulafono o Pulega o Tupe Faava o Malo a Samoa 2005*. O le tupe na totogiina atu na afua mai I le 35 pasene o tupe mama e lei sueina e suetusi mo le faaiuga o le masina o Tesema 2021

15. Noanoataga e ono tulai mai

O lo o tumau pea ona tetee le SIFA i se tuuaina faaletulafono o lo o i luma o le Faamasinoga Mauaialuga a Samoa i le taimi nei. Ae peitai, o taualumaga o le faamasinoga e lei maea ma o se tau poo se noataga i le faaiuga o lenei tausaga faaletupe e le o mautinoa (2021/2022: selo).

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022**

16. Noataga o Lisi

Ua vaetamaina e le SIFA le metotia o le toe tagai I tua e avea ma auala e faailoa ai lisi ina ia o tutusa ai ma le IFRS16. O le aia tatau e faaaoga ai lisi faapea noataga o lisi ua mafia nei ona faailoa I luga o faamatalaga o tuufaatasiga o meatotino ma aitalafu. O le tului o lisi faapea le faaititia o paleni o lisi ua faamauina i luga o faamatalaga o tupe maua ma tupe faaalu e fuafua I le vaitaimi o le lisi.

	2022	2021
	SAT	SAT
Tautinoga o lisi		
Tului (Lisi Noataga)	44,725	48,897
Faaitiitia (Aia tatau e faaaoga ai le aseta)	270,499	225,628
	315,224	274,525
<hr/>		
Aia tatau e faaaoga ai le aseta	496,942	284,606
<hr/>		
Noataga o Lisi		
E i lalo ifo o le tausaga (taimi nei)	357,430	241,340
E ova atu ma le tausaga (le taimi nei)	139,512	63,007
	496,942	304,347

17. Faailoaina o mataupu tau i le Pulega

	2022	2021
	SAT	SAT
Tau i le pulega:		
Totogi	1,172,635	1,135,571
Totogi o Faatonu ma alauni	76,500	71,002
	1,249,135	1,206,573

O totogi o le pulega e fuafua e le Kapeneta ma le Fono a Faatonu. O le Pulega e aofia ai le Pule Sili, o Pule Sili Lagolago (3), Taitai Vaega o Pisinisi ma Atina'e, Taitai Vaega mo Auaunaga Faa-Tekonolosi ma Auaunaga Fesoasoani, Taitai Vaega mo le Aufaigaluega, Taitai Vaega Tau Tupe, Taitai Vaega e Mataituina le Tausisia o Tulafono ma Taitai Vaega o Resitala ma le SRS.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

18. Auiliiliina o Tupe Faagasolo mai/i Galuega

	2022	2021
	SAT	SAT
Tupe Mama	21,447,754	21,447,754
Fetu'unaiga mo:		
Faaitiita i tau o fanua, fale ma masini	210,310	162,827
Tupe faaalu i le fuafuaina o le fale	-	-
Faaitiitia i tau o aseta le faitino	93,435	116,269
Suiga i le tau o le fanua	(169,389)	(791,520)
Tupe maua	(361,077)	(423,419)
Tupe faaalu	55,648	16,410
Tupe maua mai tului	(1,937,632)	(2,808,463)
Faamanuiaga mai iunite - UTOS	(1,055,317)	(1,055,359)
Tupe Gau/(Tupe mama) i le faatauina o meatotino	-	-
Siitia i aitalafu toe totogi mai	(12,679)	315,527
Siitia/(Faaititia) i aitalafu totogi atu	(1,119,728)	1,441,368
Siitia/(Faaititia) i tupe faaagaga ma faamanuiaga mo tagata faigaluega	53,057	22
	13,483,501	18,421,416

19. Samoa International Business Finance Centre (SIBFC)

O le SIBFC sa amataina ma resitala i le Matagaluega Pisinisi, Alamanuia ma Leipa i le aso 16th o Tesema 2020 e tusa ai ma le Faatonuga-FK 20(48).

Na faatuina le kapani faalauiloa o le SIBFC ina ia ausia faamoemoega nei:

1. Faalauiloa, atinaeina ma faatuputupulaia o atinae tau tupe fava o malo i totonu o Samoa I lalo o le vaavaaiga a le Pulega o Tupe Fava o Malo a Samoa.
2. Fesoasoani i le faatinoina o faalauiloa o galuega ma auaunaga a le SIFA faapea fofo
3. Vavaeina le va feteeteenai o galuaega faatino a le SIFA e pei o le Faatonu toe Faalauiloa i le taimi e tasi
4. Sueue ma le atinaeina o auaunaga esese i galuega tau tupe fava o malo faapea fofo
5. Galue vavalalata ma Kamupani, Ofisa Loia faapea Ofisa Tausi Tusi ina ia ausia aiaiga o tupe fava o malo i totonu o Samoa.
6. Amatalia auaunaga faalauiloa faapitoa i le atinaeina o fofo ina ia faatumaina le lelei o le SIFA

O fefa'ataua'iga uma o lo'o faamauina i se vaega o le tala autu o tupe a le SIFA i le faaiuga o le tala o le tupe i le aso 30 Iuni 2022.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2022

20. Faamaoniga o faamatalaga tau tupe
Mea na tutupu mulimuli ane i le aso o le lipoti

Tautupe

Sa fuafuaina e le SIFA le faaititia o ala tupe autu (kamupani toe faafou/ kamupani fou) ona o le aafiaga o le Koviti-19 mo le tausaga faa le tupe e amata mai i le 1st Iulai 2022. Ae ui i lea, e maitauina i le kuata muamua le lelei o i'uga ae matou te faamoemoe e faaauau ai pea le lelei i totonu o le tausaga e maea i le faaiuga o le aso 30 Iuni 2023.

Isi mea tautupe

O le faafoea ai e le SIFA o tulafono o lo o faatino ai pisinisi faava o malo, ua avea ai ma se tasi o sui o le Vaega Faapitoa ua tuufaatasia e taulamua i faatalanoaga ma le Vaega a le Luni a Europa o lo o nafa ma le iloiloga o atunuu ma a latou auala faalafoga ina ia mafai ona aveesea mai Samoa mai le lisiuliuli o atunuu e le o talafeagai a latou faiga faalafoga ma fuafuaga a le Luni a Europa. Ua mae'a ona ave le tatou tusi muamua e amata ai ia faatalatalanoaga ma ua iai ia fetusiaiga i le taimi nei. E 12 atunuu o lo o lisiina e le Luni a Europa ma e aofia ai atunuu e 6 mai le Pasefika ma le 6 i isi vaega o le lalolagi. E le o iai foi se fuafuaga a le Vaega a le Luni a Europa o lo o nafa ma le iloiloga o atunuu e faapea ai a aveesea se atunuu mai le lisiuliuli ona uma ai lea ma suesuega ona o lo o faaauau pea a latou fuafuaga eseese e iloilo ai atunuu i lenei mataupu

21 Faamaoniga o le tala o le tupe

Na faamaonia ia nei Faamatalaga Tautupe e le Fono a Faatonu i le aso sa sainia ai e le Fono a Faatonu.